

# TUR 3 FRACCION A SOSTENE CONCEPTO DI LEY DI DONNY RASMIJN CU ELIMINACION DI SACO DI PLASTIC

**Your address for the best software and support.**



- ✓ Accounting Software
- ✓ Payroll Software
- ✓ Document Management
- ✓ HRM / CRM Software

**Exact Software** **Payroll Pro** **Commence** **M-Files**

Bonaire (+599) 717-6067 | info@vcc-int.com | www.vcc-int.com

Juni 29, 2016

www.awemainta.com

www.facebook.com/awemainta

noticia@awemainta.com

583-1400



# AWEMainta

# DR. HORACIO E. ODUBER HOSPITAAL TA OFRECE OPLEIDING PA SPECIALISMO DEN ENFERMERIA



**INVEST SECURE N.V.**  
We don't just say it... We Guarantee it!!! 582 7252

High Definition Surveillance Systems

Visit www.investsecure.com

NVRs Pg 2 IP Cameras Pg 8 DVRs Pg 19 TVI Cameras Pg 22

**buy 2, and get 1 FREE**

**Dijtham**  
We've got it!

INTERIOR AND EXTERIOR PAINT  
AVAILABLE IN 1 AND 5 GALLON

This Dijtham Offer is valid till June 30, 2016

**DijthamAruba** - www.dijtham.com - Schotlandstraat 67 - Tel. 588 9526



Opleiding di SEH y ICU ta cuminsa pa eleva calidad di cuidu

## Dr. Horacio E. Oduber Hospitaal ta ofrece opleiding pa specialismo den enfermeria



**RECIENTEMENTE**, a tuma lugá na Dr. Horacio E. Oduber Hospitaal un session special di introduccion p’e enfermeronan cu lo cuminsa cu e opleiding pa sea specialisa den Spoedeisende Hulp (SEH) of Intensive Care (ICU).

E dos opleiding aki ta wordo organisa hunto cu Amstel Academie di Hulanda.

E lesnan ta wordo ofreci pa instructornan local y instructornan Hulandes uzando e mesun materialnan cu ta wordo uza na Amstel Academie, pues e “toetsing” ta bay di acuerdo cu normanan Hulandes y e examen final t’e mesun examen cu ta wordo traha na Hulanda.

Pa participa n’e opleiding e enfermero mester tin su diploma di basisopleiding den enfermeria y un añ di experiencia di den e ramo di enfermeria.

Di Hospital tin shete estudiante y di parti di IMSan tin tres estudiante inscribi p’e opleiding di Spoedeisende Hulp. Pa loko ta e opleiding di ICU tin seis estudiante di Hospital y dos di Mariadal, Boneiro.

Monique Leerda ta e docente coördinator p’e opleiding di Intensive Care. E ta splica cu e opleiding di ICU a wordo ofreci no mucho tempo pasa na Aruba caba.

E opleiding aki tin un duracion di 21 luna y ta cuminsa na september proximo, mientras esun di SEH ta dura 18 luna. E opleiding ta programa di tal manera cu nan ta caba pareu y na final lo celebra e exito di tur cu un diploma uitreiking.

Asina Dr. Horacio E. Oduber Hospitaal ta contribui na e desaroyo profesional tanto di su mesun team di enfermeria, como di e personal di IMSan y e team di Mariadal.

Den pasado, Leerda ta elabora, a ofrece na Aruba e specialisacion den Kinder (muchu), Dialyse, Kraam (Maternidad), y SEH/ICU.

Dr. Horacio E. Oduber Hospitaal, pa medio di colaboracion internacional, den e caso aki cu Amstel Academie, ta percura pa su personal ricibi opleiding di un bon nivel cu ta reconoci pa asina contribui na e mehoracion di calidad di cuidu en general.



Cu un inversion di 150 te cu 200 miyon dolar

# Un consorcio internacional lo pone tubonan di gas submarino entre Aruba y Venezuela

**DI** acuerdo cu un carta di Minister di Energia, Mike de Meza pa Parlamento, ta un consorcio di companianan petrolero internacional lo percura pa ponemento di e tuberia di gas submarino entre Aruba y Venezuela, cu mester pa provee gas p'e refineria.

E companianan cu ta ser menciona ta CITGO, Repsol y Eni di Italia. E pasamento di e tuberia submarino aki ta necesario, pasobra manera ya ta conoci, operacion, e up-grading di e refineria lo no haci uso di crudo, pero di gas.

Pesey pasamento di un tuberia t'asina necesario.


Den mesun carta aki di Minister Mike de Meza na Parlamento, ta rekeri un inversion 150 te cu 200 miyon dolar. Mientrastanto Parlamento no a haya ningun di e contratonan firma na Venezuela, pasobra awor ta resultando cu e negociacion entre Valero y Aruba no ta finalisa ainda.

Richard Arends, di e team negociador a duna di conoce, di acuerdo cu algun publicacion ayera na Hulanda, nan ta hopi avansa y ta kere cu ainda prome cu fin di siman awor, nan lo por keda cla cu Valero.

Pa no tarda e proceso, ta sigui delibera riba e instalacion di e conexcion di tuberia pa gas, cu lo ta for di Paraguana te cu e terminal na San Nicolas.

Di acuerdo cu Minister Mike de Meza, e gas lo ta for di Cardon IV di e tereno di gas di Perla, cu ta pega n'e Lago di Maracaibo. E tereno di gas aki ta explota pa Repsol, cu no ta un compania desconoci na Aruba, cu ta mantene un silencio di exploracion di gas den awanan teritorial di Aruba.

Proximamente lo tende di finalisacion di negociacion cu Valero y tambe di e companianan cu lo ta involvi den ponemento di e tuberia entre Venezuela y Aruba, y asina cuminsa cu e proceso di up-grading di e refineria.



# Sr. Andin Bikker di PDR ta muestra cu tin alternativanan palpabel pa diversifica Aruba su economia

**DURANTE** e rueda di prensa di Partido Democracia Real, su lider sr. Andin Bikker, a papia tocante e acuerdonan cu nan a logra na Hulanda, den e cuadro di e lista di convenionan interparlamentario riba cooperacion di economia di internet.

PDR semper a boga pa diversifica Aruba su economia, y el a bisa cu ta danki na su fraccion cu awor-

aki a pasa un mocion cu ta e base pa stop cu desmantelacion y awe tin den porta e reapertura di nos refineria.

Sr. Bikker a bisa cu Prome Minister Eman y otro Ministernan durante nan discursonan den television a uza e mesun argumentonan cu algun aña atras PDR a uza, y cu a wordo critica fuertemente pa Gobierno, pero awor ta haci cu ta nan mes a bin cu ne. Segun e lider di PDR, economia di internet tin posibilidadnan enorme, y p'esey ora PDR a bay Hulanda, a mira con ayanan tin e website booking.com cu 19 biyon dollar di balor cu patentenan registra, cu ta dun'e un

balor agrega.

“Y asina tin diferente aplicacion cu ta bal miyones. Anto, nos debe nacional ta engorda bayendo cuater biyon y pico florin.

Anto mi ta kere cu ta logico pa nos bay den economia di internet, pa nos desaroya e industria aki, pa mayan si nos haya dos of tres aplicacionnan mes cu ta djis laba laba den e balor eynan, ta manera cu nos a bora petroleo”, lider di PDR a bisa.

Sr. Bikker a splica cu di cosnan asina ta frutonan cu ta colga abao y cu no mester di trapi nos por gara. Tin personanan aki na Aruba cu ta desaroya aplicacionnan, nos hubentud cu ta ful den e mundo aki y ta wak e potencialnan, nan ta hopi contento y na expectativa rib'e contesta di Gobierno di Reino rib'e logro akinan di nos partido, conhuntamente cu e representante di otro fraccionnan, pa nos economia por beneficia tambe di economia di internet.

“E di dos ta, pa Aruba por registra via Hulanda medicinanan local cu tin podernan curativo. Un ehempel ta Aruba Aloe Balm, cu tin un producto farmaceutico riba mercado local y internacional, cu ta masha bon mes pa hendenan cu a haya heridanan di kemadura.

Esey t'e prome precedente cu tabatin, y tin diferente otro remedinan di tera di cual lo ta bon pa studia un pa tres di nan, como minimo pa nos cuminsa e proceso hopi costo y largo pa wak si un pa dos por wordo registra como medicina, cu tambe ta mescos cu bora petroleo”, sr. Bikker a duna di conoce.

Hasta el a bisa cu tin un par di compania cu ta multi miyonario y cu Hulanda a dicidi cu nan so no por negocia cu e companianan grandi aki, pasobra dos por ciento nan ta cumpra di medicina mundial, y asina mes nan ta sinti cu nan ta mucho chikito y nan a dicidi di bay Union Europeo, pa haya forsa pa nan por negocia cu e companianan aki pa baha prijs di medicina.

Sr. Bikker a bisa cu PDR ta luchando pa varios aña caba cu un vision cu nan si tin, cu nos pais no por keda cu turismo y refinamento di petroleo so.

Pa 35 aña, partidonan di diferente signatura y aworaki nos mester lucha pa recupera un di nan, cu nos tabatin caba. Anto mi ta bisa pa bin cu un tiki mas di creatividad: Ban den direccion di economia di internet y esun di registra medicina, cu ta dos cos relativamente facil pa yega na nan, y e ehempelnan ta palpabel.



## Tur 3 fraccion a sostene concepto di ley di Donny Rasmijn cu eliminacion di saco di plastic

**AYERA** porfin Parlamento a trata e concepto di ley, prepara pa Donny Rasmijn, encunto eliminacion di uso di saco di plastic, y asina yuda na cuida nos medio ambiente. E reunion aki no a ser presidi pa drs. Marisol Lopez Tromp y a haci lugar pa Chris Dammers guia e reunion aki, cu a bay sin problema alguno.

Ausencia di drs. Marisol Lopez Tromp di acuerdo cu un vocero di fraccion di AVP, ta pasobra e ta malo (AO) for di diabierna ultimo.

Na final, tur 3 fraccion a aproba e concepto di ley aki, cu a keda acepta unanimamente. Maske mester bisa cu banda di ausencia di drs. Marisol Lopez Tromp, fraccion di MEP tampoco tabata completo.





# Organisa y Reglamenta nos playanan awe ta necesario pa **garantisa** **Bienestar y Progreso** di Aruba.

Beach Policy  
[www.dip.aw](http://www.dip.aw)

**ARUBA** Government of Aruba  
Ministry of Tourism, Transportation,  
Primary Sector and Culture

**Pa e futuro cu nos tur merece, duna Aruba e mihor dibo.**

Segun Evelyn Wever-Croes:

**Tur mucha  
mester haya  
oportunidad  
igual pa  
enseñansa**



**LIDER** di MEP, Evelyn Wever-Croes a declara cu enseñansa ta prioridad pa MEP.

Y p'esey mester percura pa tur mucha tin oportunidad igual den enseñansa.

Un di e formanan pa logra esey ta haciendo enseñansa liber pa tur mucha, pasobra enseñansa liber ta permiti tur mucha e mesun oportunidadnan den enseñansa.

Contrario n'e filosofia y maneho di partido AVP, cu a haci enseñansa mas caro cu nunca.

"Schoolgeld y collegegeld a aumenta pa scolnan basico, scolnan secundario y estudionan avansa. Pa bo manda bo yiu EPI of Colegio Arubano ta practicamente

ful un salario di

minimumloon bo mester paga y esey ta haci

cu hopi hoben no ta sigui studia. Esey nos kier

evita. Den mi bishitanan den casnan mi ta topa cu

hobennan cu tin hopi potencial pa studia, pero cu mester

a stop di studia pasobra nan mayornan no por carga tur

e gastonan.

P'esey ta duel nos cu Gobierno di Mike Eman ta haci'e cada biaha mas dificil pa nos muchanan studia", lider di MEP a mostra.

"MEP a presenta un mocion den Parlamento dia 1 di april 2015 cu a haya sosten di tur miembro di Parlamento. Den e mocion, Gobierno a duna Minister Hooiboer-Winklaar instruccion pa haci estudionan necesario pa introduci enseñansa gratis pa tur mucha.

Awor un aña mas leu, nos ta ripara cu e Minister no a haci net nada. Pio ainda, pasobra e Gobierno aki ta haciendo enseñansa cada biaha mas caro!

P'esey nos lo yama e Minister bek den Parlamento p'e duna cuenta dicon e no a haci caso di e mocion di Parlamento", segun e lider di MEP.

"Finalmente mi kier manda un mensahe pa Minister Hooiboer: Final di bo periodo como Minister ta yegando, con bo kier pa pueblo recordabo? Como un Minister cu realmente a logra algo pa enseñansa, of como e Minister cu a cuminsa un persecucion personal y infantil contra un juffrouw di scol y por lo demas a haci bunita so?" Esaki ta locual lider di MEP, Evelyn Wever-Croes a duna di conoce.





Parlamentario sr. Jeffrey Kelly:

## Negativismo y hamber pa poder ta haci MEP ciego pa tur desaroyo positivo cu ta na bienestar di nos pais

**PARLAMENTARIO** di fraccion di AVP, sr. Jeffrey Kelly a tuma nota di algun publicacion di MEP caminda cu e. o. lider di MEP ta bisa cu “ora bo mira estado di e scolnan e ta dunabo un tristesa”.

Ora cu miembronan di fraccion di MEP papia e idioma aki y bisa cu Gobierno mester inverti mas den enseñansa, nan ta faltando respet na inteligencia di nos pueblo.

Esaki Parlamentario Kelly ta mostra un biaha mas despues cu lider di MEP hunto cu tres ayudante cu a bay cu ne pa carga mesa, a bay para dilanti di un scol cu a wordo cera aña pasa, ya cu e no ta apto mas pa sigui hinca muchanan den e edificio.

### Hipocresia y ciego pa desaroyo positivo

“Na momento cu MEP ta papia cu mester inverti mas den enseñansa, ta net algun dia despues cu Gobierno di AVP a percura pa Colegio San Antonio na Santa Cruz, haya un joya

di un scol pa duna educacion.

Mas tristo ainda ta cu lider di MEP mes tabata presente na apertura di e scol aki.

Un scol cu a deteriora bou maneho di Gobierno di MEP, mientras cu algun dia despues otro scol renoba a wordo entrega na Gobierno y ta trata aki di Colegio San Augustin na San Nicolas cu tambe a wordo comberti den un scol sumamente bunita cu sin duda ta brinda un ambiente placentero pa muchanan haya educacion”, e Parlamentario a mostra.

“No tabatin Gobierno den historia di pais Aruba, cu a inverti asina hopi den enseñansa y drecha scolnan di e forma cu esaki a bin ta tumando luga den ultimo 7 aña y aki un biaha mas tin cu mostra cu e suma cu Gobierno di AVP a inverti den enseñansa, ta cerca di 30 miyon florin di cual 23 miyon a bay pa renobacion di cantidad di scol tur rond di Aruba.

Casi 21 miyon florin a wordo inverti via fondo di FDA y mas di 2 miyon Florin a wordo inverti via Onderwijs-fonds.

Ainda ta trahando riba plannan pa construi hasta algun scol nobo y siman pasa caba a desvela e borchin pa inicio di e proyecto di construccion di un scol nobo pa Princes Amalia, mientras cu tin otro scolnan ta den proceso di renobacion.

Ya caba Gobierno a inverti den un total di 18 scol y ta sigui traha pa atende cu renobacion y construccion di otro scolnan buscando tur forma pa por financia e proyectonan importante aki”, segun Parlamentario Kelly.

### Ta sondea alternativanan pa sigui inverti den infraestructura

“Un di e sistemanan cu ta den discusion n’e momentonan aki ta pa ehecuta e construccion y renobacion di e scolnan den e asina yama PPP, pero kico nos ta mira cu e mesun hendenan cu a bay para na un mesa pa papia riba un scol cu ta den plan di renobacion caba, ta criticando e sistema di PPP cuestionando cuanto placa Gobierno tin cu paga den proximo añanan.

Sinembargo, ta fondonan cu a ser inverti den desaroyo di nos pais, den progreso di nos pueblo y pa bienestar di nos ciudadanonan, pero ta un sistema cu miembronan di fraccion di MEP no lo compronde ni awe y ni den futuro”, Parlamentario sr. Jeffrey Kelly a duna di conoce.



Avenida Milo J. Croes # 118 – A  
Tel: 5883948, Fax: 5883945  
Dilanti Flora Market na Dakota  
Horario: 8.30AM-5.30PM (nonstop)  
E-mail: doorhandle @ setarnet.aw

**Vakantie ta den porta,  
ladron lo ta mas activo den e temporada aki.  
Na ‘The Doorhandle’ nos lo conseha bo ariba  
tur materiaal pa segura bo propiedad,  
pa asina bo por bai tranquilamente cu vakantie.**



Tel: 5821164  
Cel: 5931189  
Fax: 5880109  
www.boutiquekeyla.com



**Nos tin hopi paña nobo y bunita  
di size S te cu size 26  
Pasa wak pa bo mes!!**

Paradera 84 ~ Dialuna - Diasabra ~ 9am - 6:30pm







**SELLAMUR**

- Tratamento di concret pa coregi, penetra y blokea e humedad creciente den murayanan cu no ta permanentemente muha of bao awa.
- Flexibel y di resistensia halto contra erosion



Habri nonstop di dialuna pa diabierna 7:30 AM pa 4:00 PM

Dangui Oduber di MEP:

# Gobierno no kier tuma accion pa scapa Caya Betico Croes!

“**ALGUN** siman atras nos a bishita Caya Betico Croes y nos a trece e imagenan pa pueblo mes por wak con e situacion den Caya ta.

Un situacion hopi penoso caminda tin mas tienda cera cu tin tienda habri den Caya. Durante nos bishita, nos a constata cu tin 30 tienda cu a cera nan porta, y awor cu nos ta na fin di luna di juni, 4 mas a cera nan porta tambe, cu ta yega na un total di 34 tienda cera. E situacion den Caya no a bira miho, sino el a empeora”, segun Dangui Oduber.

En bes cu Gobierno di Aruba a tuma accion y a haci algo pa trece un alivio pa comercio den playa, nan ta sigui castiganan.

Gobierno di Mike Eman ta prefera pa tur tienda cera nan portanan prome cu tuma accion. Nos mester tene bon na cuenta cu na momento cu un tienda cera su porta esaki kiermen: mas desempleo, menos entrada di BBO pa Gobierno, menos entrada di primanan AZV y AOV pa Gobierno, menos entrada di loonbelasting pa Gobierno y asina nos por keda menciona tur e consecuencianan cu cada ciere di tienda ta trece cu ne. Tin solucion p’e situacion, pero Gobierno ta ignorante y terco. Nan no kier yuda comercio. Kico

comercio a haci nan, nos no sa”, Dangui Oduber ta expresa.

“Gobierno mester por habri Caya Betico Croes pa circulacion di trafico.

Si esaki pasa lo trece bida bek den centro di ciudad y e fluho aki mes lo yuda tiendanan cu nan benta. Aruparking ta keda un problema hopi serio y nos a spera mas comprension di parti Otmar Oduber. En bes cu e purba yuda, e ta critica comercio y ta culpanan cu nan no ta bende.

El a bisanan cu nan no ta inverti, nan no ta innova y nan mester percura pa aumenta nan benta. Loke Otmar Oduber no ta compronde t’e hecho cu bao di e circunstancianan cu Caya Betico Croes ta, ni con bon bo producto y surtido ta, bo no ta bende!”, Dangui Oduber a mostra.

“Gobierno a haci’e imposibel cu introduccion di Aruparking, pa comercio por bende. Lo ta bin pa Mike Eman, Otmar Oduber y Benny Sevinger mes bay cana den Caya Betico Croes y nan mes papia cu e comerciantenan y puntranan con e benta ta bayendo. Puntra nan si benta a aumenta manera Otmar Oduber ta bisa.

Puntra nan si bao di e circunstancianan actual nan lo sobrevivir.



Na momento cu un Gobierno no kier scucha pueblo y no kier scucha comercio, e ta bira un problema serio pa un pais. Otmar Oduber kier keda insisti cu Aruparking ta algo bon y el a yuda comercio. Loke e no ta compronde ta cuanto tienda a cera nan portanan, con hopi benta di comercio a cay den Caya pa via di Aruparking y n’e momentonan aki hopi mas tienda lo pasa den mesun cos.

Kico ta costa Gobierno haci algo cu Aruparking. Si nan no kier elimin’e, duna algun ora pa dia di parkeo gratis pa wak si esey lo yuda. Keda sin tuma accion lo significa fin di Caya Betico Croes. Ta tristo y lamentabel con un Gobierno ta wak su Caya ta sangra, su caya ta wordo mata y no kier tuma accion y trece cambio!” Esaki ta locual Dangui Oduber a duna di conoce.



Segun Parlamentario Chris Romero di MEP:

## Gobierno di AVP a logra produci unicamente 1.7% di energia alternativo den 7 aña di Gobernacion

“UN biaha mas nos por a mira sr. Mike Eman y sr. De Meza ta cana bisa cu actualmente Aruba ta riba un consumo di 17% di energia alternativo. Mi tin cu bisa cu finalmente nos por scucha sr. Mike Eman papia algo realistico, aunke e ta keda purba bende nos un 6 pa un 9”, segun Parlamentario Chris Romero.

“Berdad ta cu den e ultimo 7 aña aki di Gabinetenan Mike Eman I & II, e unico porcentahe di energia alternativo cu nan a logra acumula ta loke cu ta haya for di e panelnan solar na Aeropuerto Internacional Reina Beatrix, cu ta mas o menos 1.7%.

Lagami splica na un manera mas detaya pakico mi ta bin cu e ponencia aki.

Ta conoci cu e molinanan di biento na Vaderpiet ta produci aproximadamente 14% di energia alternativo. Pero esaki no ta necesariamente un logro cu por duna sr. Eman y su Gobierno, pasobra e molinanan aki ta existente caba for di e gobernacion anterior bou signatura di MEP.

E sobra porcentahe cu ta cera e 17% cu tanto sr. Eman y sr. De Meza ta gaba, ta loke e particularnan ta aporta cu ne pa medio di nan mesun inversion pa produci energia alternativo, sea na nan cas of negoshi”, e Parlamentario a mostra.

“Dus si nos sinta analisa bon, sr. Eman ta bolbe pronkia cu pluma cu no ta di dj’e!

E unico logro pa cu energia alternativo cu Gabinetenan Mike Eman I & II tin bou nan nomber ta e panelnan na aeropuerto. E molinanan di biento na Vaderpiet ta un logro di Gobierno di MEP, y e panelnan solar riba cada cas of negoshi ta un logro priva di cada ken cu a dicidi di inverti den esakinan.

Mi pregunta na Prome Minister di Aruba: Cu ki cara bo ta biahando rond mundo promoviendo energia berde, caminda cu den 7 aña como cabes di Gobierno bo unico logro tabata di produci 1.7% di energia alternativo?

Ta berdad cu Aruba ta produciendo actualmente 17% di energia alternativo, pero loke cu no ta berdad ta cu esaki ta danki na sr. Mike Eman su Gobierno”, Parlamentario Romero a duna di conoce.

“Mirando tur e acontecimentonan rond di e maneho sostenibel fracasa di AVP su Gobierno, mi ta dirigi otro preguntanan na sr. Eman: Con sigur y realista ta pa

bisa cu pa 2020 Aruba lo ta 100% sostenibel?

Si den 7 aña di tempo bo a logra produci unicamente 1.7% di energia alternativo, con bo por segura cu pa aña 2020 Aruba lo draai 100% riba energia alternativo?”, Parlamentario Chris Romero di Partido MEP a finalisa bisando.





# FERTEC N.V.

## AIRCONDITION & REFRIGERATION

Address: Caya Ernesto o Petronia 45 Email: fertecnv@hotmail.com  
Tel: (297) - 5882860 Cell: (297) - 5633766



**SEER up to 25.00**

**Seriously efficient air conditioning**

**A smart solution for your business or home**

**5 ton unit, 5.3 amps**

**24 hours a day, 7 days a week is about 230,- AWG monthly**

**The Only Inverter Central Unit with Solar Panel Connection**



**New generation of inverter minisplit**













Parlamentario mr. Xiomara Maduro:

# Atrobe no tin espacio financiero pa traha HAVO/VWO na Noord

CFT den su ultimo raport a elabora riba e proyectonan Private Public Partership (PPP) cu Gobierno ta bin ta haciendo ultimo tempo. Den e raport CFT a indica cu Gabinete Eman a haci demasiado uso di PPP cu e consecuencia cu mester pone un plafond pa no sigi cu mas proyecto asina, ya cu lo bira dificil pa por paga e gastonan di PPP bek.

Cu e proyectonan di edificio pa DOW/DIP, e Hospital nobo, Green Corridor y Watty Vos Boulevard, ya caba Gobierno a tuma demasiado gasto riba su lomba cu mester bay wordo paga den e proximo 30 aña, cu consecuencia cu atrobe no ta resta espacio financiero pa traha e scol di HAVO/VWO na Noord, miembro di Parlamento pa fraccion di MEP, mr. Xiomara Ruiz Maduro a duna di conoce.

## Un lista largo di proyecto PPP

Hopi biaha Prome Minister Mike Eman ta gaba cu su lista largo di proyecto PPP den cual ta figura e Hospital, Green

Corridor, Watty Vos Boulevard, edificacionan di MFA, edificio di John F. Kennedy pa auditorium y Departamento di Enseñansa y e scol pa MAVO/HAVO/VWO na Noord. Pero te cu awor t'e proyectonan di Hospital, Green Corridor, Watty Vos Boulevard y e edificacionan di MFA so tin prioridad y e scol pa HAVO/VWO na Noord mes cu ta un prioridad grandi pa nos pais, p'e habitantenan di Noord y nos hobennan en general, no tin fin di wordo traha.

Y awor cu CFT den su raport a mostra cu Gabinete Eman a caba cu e espacio financiero pa paga e gastonan di e PPP bek, e scol di HAVO/VWO atrobe no lo wordo traha.

## Tram enbes di scol na Noord

No ta prome biaha cu Gabinete Eman ta pone prioridad robes na fon-

donan publico, segun Xiomara Ruiz Maduro.

Na 2009 ora Prome Minister Eman a yega na poder el a haya placa cu MEP a recupera di Plant NV y cu a wordo hinca den e fondo di FDA.

Eyden tabata tin 29 miyon florin reserva pa traha un scol HAVO/VWO na Noord. Pero Prome Minister Eman hunto cu e Staatssecretaris Hulandes, Anke Bijleveld a cambia destino di e fondonan aki y a destina pa cumpra tram pa core den Oranjestad, cu consecuencia cu e scol na Noord no a wordo traha mas.

Despues pa tene pueblo di Noord na liña, a bisa cu na juni 2014 lo cuminsa traha e scol pa MAVO/HAVO/VWO na Noord den forma di un proyecto PPP cu lo ta un inversion di 18 miyon pagando bek den 25 aña. Pero e ultimo

raport di CFT a mostra bon cla cu Gabinete Eman a abusa di proyecto PPP cu consecuencia cu no tin placa mas pa por bay paga pa laga traha e scol na Noord den forma di PPP.

## Inversion den beton cu asfalt lagando enseñansa sin placa

Ta lamentable, segun Xiomara Ruiz Maduro cu Gabinete Eman ta laga ehecuta proyecto PPP solamente den inversion den beton cu asfalt lagando enseñansa mes sin placa.

Pesey ta masha remarcabel cu Minister Hooyboer-Winklaar poco dia atras den prensa ta splica cu lo busca manera pa drecha scol por medio di proyecto PPP.

Sea Minister Hooyboer-Winklaar ta gaña pueblo of e mandatario no conoce e contenido di e raport di CFT den cual nan ta splica bon cla cu Gabinete Eman a abusa cu proyecto PPP den asfalt y beton y no ta resta espacio financiero pa inversion den enseñansa, pa drecha scol of pa traha e scol pa HAVO/VWO na Noord.

bank Afl 100 miljoen bedragen, tegenover Afl 50 miljoen dat nu voor de periode tot 2017 is opgenomen. Na 2036 zullen deze uitgaven pas weer afnemen.

Tabel 10 geeft de onderbouwing weer van de jaarlijkse bijdragen aan de PPP-constructies:

Project	Payment periods	Investment amount (Afl, million)	Estimated annual payment (Afl, million)
Hospital			
Green Corridor	29	253,2	24,0
Ringroad 3	25	297,0	29,3
MFA	25	330,0	32,6
JFK education dept.	25	18,0	1,8
JFK community auditorium	25	25,0	2,5
New MAVO/HAVO/VWO	25	13,0	1,3
Total		18,0	1,8
on: CBA		954,2	93

regering lijkt voornemens te zijn deze PPP-constructies te financieren uit een apa





Minister Michelle Hooyboer-Winklaar ta anuncia

# San Augustin College ta habri bek na augustus den nan propio edificio



**DURANTE** di un bishita cu a inclui un recorrido di e parti renoba, como tambe e expansion di e edificionan di San Augustin College, Minister di Enseñansa Michelle Hooyboer-Winklaar a anuncia cu e scol ta habri bek na augustus 2016.

Algun luna pasa e mandatario a bishita e scol pa haya un bista di e progreso, y siman pasa a bolbe hunto cu personanan cu ta liga cu e scol, incluyendo e cabesante di e scol sra. Maribel Geerman-Lampe y e ex-cabesante di e scol, esta Parlamentario Jeffrey Kelly.

Tambe presente tabata Miembro di Parlamento sra. Lorna Varlack y sra. Clarissca Velasquez.

Minister Hooyboer-Winklaar a splica cu na cuminsamento di e aña academico 2016/2017, e team di e scol y nan alumnonan lo ta den edificionan renoba y un parti nobo, cu cuater lokaal adicional y elementonan clave cu ta brinda miho posibilidadnan di acceso pa personanan cu deshabilidad fisico. Esakinan tabata inversionnan necesario pa un enseñansa moderno, el a agrega.

Minister Hooyboer-Winklaar a expresa cu e ta contento di por wak e renobacion realisa y e ampliacion completo, particularmente como cu ta trata di un scol cu ta presta asina bon den e ultimo añanan, unda cu ta conta cu alumnonan cu ta sali e mihonan y entre e mihonan na nos isla.

E infraestructura di e edificio renoba y amplia ta pas cu e motivacion y dedicacion na enseñansa cu ta wordo desplega p'e team completo y tur e alumnonan di San Augustin College, e mandatario a conclui bisando despues di su recorrido di e scol.



**DRAGON**  
**CD & ELECTRONICS**

Mainstreet San Nicolas Tel. 584-3999  
open 9.00 - 13.00 and 14.30 - 18.30

*Dragon specials*

		
Samsung note edge	blu sport 4.5 afl. 210.00	Samsung s3 mini afl. 315.00

Also: Samsung S5, s5 mini, Samsung S4, Samsung 4 mini, S3 mini etc.....  
Accessories for all Samsung and Iphone models

Toshiba Laptop 15.6" 4Gb 320Gb Harddisk. Afl. 900.00  
Hp Ink cartridges, Universal laptop adapters etc..  
iTunes gift cards \$ 10.00, \$ 15.00 and \$25.00,  
Google play cards and Playstation Network cards.

Sales, repair and accessories for all Samsung models and other cellualars.  
Unlock, reload, reset, upgrade, replace lcd, keypad, speaker etc.....





# E necesidad di bon gobernacion na Aruba

**DIAMARS** 21 di juni ultimo, Universidad di Aruba den colaboracion cu Fundacion Gobernacion di Calidad Aruba (FGCA) a duna un presentacion pa publico en general tocante: 'E necesidad di bon gobernacion na Aruba'. Pa un sala casi yen a muestra riba e necesidad pa Aruba cuminsa cumpli riba termino corto cu e reco-

mendacionnan di Raport Calidad. Apenas 15 aña pasa e Gobierno di e tempo ey a reconoce cu calidad di gobernacion no tabata di gaba. Pesey a firma un acuerdo (Protocol 2000) cu gremio sindical y comercial cu lo ehecuta e recomendacionnan pa mehora e calidad di gobernacion y e proceso politico.

Sinembargo, a para e proceso ey apenas 1 aña despues. Mientrastanto a ehecuta un cantidad masha limita di e protocol.

Pesey tambe gobernacion por a sigui manera antes cu elemento hopi dañino pa comunidad. Especialmente patronahe politico, un administracion financiero deficiente y un gran cantidad di proyecto dudoso a percura pa comunidad perde masha hopi placa mes. E tres elementonan aki a persisti pa tres decada y a percura pa debe di Aruba crece na un manera incontrollable.

Den e historia cortico di pais Aruba desde su Status Aparte, esakinan tabata e motibo tambe cu semper tabatin problema financiero.

Segun FGCA nunca lo soluciona e problemanan financiero, tanten cu simplemente lo busca manera pa tapa e buraconan den presupuesto pa medio di impuesto nobo of economizacion di p.e. subsidio. Sinembargo, mester elimina e causanan, esta patronahe politico, e administracion deficiente (cu porcierto awor ta hayando atencion positivo bou di presion di CAFT!)

y e proceder dudoso pa cu proyecto.

Asina so por mehora porfin nos situacion financiero. Esey ta unicamente posibel si henter comunidad, incluso ciudadano, agrupacion comunitario, gremio sindical y comercial ta logra uni nan esfuerzo y convence e mundo politico pa goberna segun norma di bon gobernacion.

Esey ta rekeri un dialogo sano cu miras pa un Aruba duradero. Pa mas informacion, por consulta e website di FGCA: [www.bongobernashonaruba.org](http://www.bongobernashonaruba.org)

Partido MEP tocante caso di schoolgeld:

## MEP ta condena cu Minister a castiga muchanan y mayornan

**RECIENTEMENTE**, SKOA a gana un caso den corte contra mayornan pa cu pago di

schoolgeld. Cu esaki SKOA un biaha mas ta libera Gobierno di su responsabilidad y ta prefera di pone mayornan paga mas placa. Tur esaki mientras cu Gobierno ta esun cu mester carga cu e gastonan aki, pero SKOA no tin e curashi pa pone presion riba Gobierno. MEP ta condena tambe e actitud di Minister Michelle Hooijboer-Winklaar cu a perhudica tur nos muchanan di scolnan SKOA. Minister Hooijboer-Winklaar a core pa su responsabilidad di duna SKOA mas fondo, pero a scoge pa castiga nos muchanan cu henter un aña no por a tene actividad. E Minister kier culpa mayornan, pero e realidad ta cu e aumento di e schoolgeld di SKOA tabata debi cu e Minister no

kier a duna SKOA placa scondiendo tras di e hecho cu SKOA no a entrega cuenta financiero anual. Pero e mesun Minister ta pone miyones disponibel pa Rietveld Academie sin cu Rietveld mester duna cuenta financiero anual. Minister Michelle Hooijboer-Winklaar a demostra cu e no tin curason pa nos muchanan di scolnan Catolico y e muchanan ni nan mayornan lo lubida con Minister Michelle Hooijboer-Winklaar a castiga nan un aña largo. Tin placa pa Minister Michelle Hooijboer-Winklaar pa tur sorto di cos. E Minister aki ta bon den haci bunita, pero el a demostra un biaha tras di otro cu e no tin curason pa nos muchanan ni pa enseñansa en general. E Minister aki ta actua como dictador riba su mes, y ta prefera uza tur placa na su mesun propaganda, cu na enseñansa. Minister Michelle Hooijboer-Winklaar ta un berguensa como Minister.



**Aruba Beach Club**  
Week 32 – Rent










**1 Deluxe Bedroom**  
**Date:** Saturday,  
6th to 13th August  
1 week – US \$995,-

*Interested please call 594-0909*





# Aruparking ta anuncia e app pa parkeermeters, iParkMe



**DIAMARS** mainta, Aruparking a anuncia cu dia 8 di juli lo introduci e app pa parkeermeters, iParkMe, ofreciendo asina un facilidad y servicio adicional pa tur usuario di Aruparking.

Director sr. Teo Croes a indica cu entrante e fecha aki e pago di parkeermeters por wordo haci via e app, cual por wordo download gratuitamente riba iStore, PlayStore of website di Aruparking: aruparking.com. E facilidad di pago aki lo bay ta beneficioso pa mayoria di hende mirando cu sea e persona ta den un reunion, ta come of ta shop e no mester bay te na un parkeermeter pa recarga, e por wordo haci rapidamente via celular.

E download y costo di e prome dos lunanan lo ta gratuito y despues e lo tin un costo di 3 dollar pa luna, durante cual lo por haci uzo di e servicio cuanto biaha cu ta desea.

Pa recarga e credito di e app por haci'e via credit card, Paypal of por pasa na oficina di Aruparking den Wilhelminastraat y e minimo pa recarga lo ta di 10 dollar.

Uzo minimo inicial ta di 2 Florin pa 1:30 ora y despues di e esey lo por recarga pa un minimo di 3 minuut.

Marvin Maduro, IT di Aruparking a duna un splicacion un poco mas detaya pa loke ta e uzo di e app. El a bisa cu e app ta hopi simpel pa uza: Simplemente mester registra e plach'i number di e auto na cuminsamento pa por "park, unpark y recarga".

E ultimo aki por wordo haci via Paypal, credit card of cash na oficina di Aruparking.

E pago di parkeo ta bay den 3 stap simpel: Primi pa paga; Selecta e zona; y Confirma e zona.

Un beneficio grandi di e app ta cu e ta duna placa bek. Si p. e. a paga pa para 5 ora y solamente a uza 3ora, e usuario ta bay n'e opcion di "unpark" y e resto di placa cu no a wordo uza lo bay bek na e saldo cu tin disponibel.

Tambe e app ta duna notificacion n'e usuario ora su tempo paga pa parkeo ta finalisando y ta duna e opcion pa pone mas placa.

E idioma di e app ta na Ingles, pero lo parti informacion di e app no solamente na Ingles, pero tambe na Spaño y na Papiamentu.

Finalisando por bisa cu e placa cu wordo deposita rib'e app no lo caduca y lo por wordo uza na cualkier momento.

Aruparking lo sigui traha pa mehora nos servicio mas ainda na nos clientenan ofreciendo diferente posibilidadnan y e miho calidad posibel. Nos ta invita tur hende pa entrante 8 di juli download e app gratuitamente y conoce tur e beneficianan di dj'e.



Proceso di implementacion ta cuminsa

## Minister Alex Schwengle a ricibi nota di maneho pa nos grandinan

E nota di maneho pa cu hende grandi na Aruba a keda cla y entrega na Minister di Salud Publico, Deporte y Cuido di Nos Grandinan, dr. Alex Schwengle, diabierna den sala di Ministerraad.

E proceso pa yega n'e documento di maneho a dura mas of menos dos aña, y tabata un proceso unda a envolve tur e gruponan di interes cu ta traha na bienestar di hende grandi na Aruba pa cu nan cuido.

E documento aki ta e prome di su tipo, a categorisa e momento di entrega como un momento historico den cuido na Aruba. El a wordo realisa p'e "ouderenafdeling" di Departamento di Salud Publico (DESPA), cu a traha hunto cu instancianan manera Stichting Algemene Bejaardenzorg Aruba (SABA), Wit Gele Kruis (WGK) y casnan di cuido pa hende grandi priva, como tambe Thuiszorg, y mas.

Den e documento ta delinea tur faceta di cuido di hende grandi, incluy-

endo e rekisitonan minimo pa un cas di cuido. Minister Schwengle ta splica cu a tene cuenta cu e deseonan di pueblo na momento di traha e documento y a uza informacion di un encuesta haci pa CEDE Aruba.

Den e sondeo un gran parti di e personanan entrevista a expresa cu nan lo kier keda na nan cas of den nan mesun bario ora cu nan bira grandi. Preferiblemente nan lo no kier bay biba den un institucion. Teniendo esaki na cuenta a dicidi cu e rumbo cu mester tuma ta di provee mas "thuiszorg" y "wijkzorg", esta cuido na cas y cuido den bario.

Minister Schwengle a laga sa cu e ta di opinion cu e Minister no ta omnipotente, pero e proceso pa bin na maneho ta un tarea cu ta wordo comparti cu e "veld".

El a splica cu DESPA mester hunga un rol mas grandi como "beleidsdirectie" di e pais y ta yuda e Minister den comberti su vision den maneho. DESPA tin e rol tambe como e instancia cu ta yuda y brinda apoyo n'e "veld" pa yega e metanan cu tur partido envolvi kier yega hunto.

E mandatario a agrega cu a forma Plataforma Pa Nos Grandinan, unda cu tur participante di e "veld" tin un voz pa yuda e Minister y DESPA pa tin miho maneho, y un maneho mas integra posibel. Esaki ta resulta den inversion mas eficiente di fondonan disponibel.

E mandatario a bisa cu e ta sinti awo cu tin rust den e "veld", y cu tin un vision cu tur partido ta traha cu ne y ta sostene.



Minister dr. Alex Schwengle a splica cu lo yega un punto tambe unda cu no lo bay duna subsidio mas, pero gradualmente ta haci cambio p'e maneho financiero bay pa medio di AZV.

Pa logra esaki mester haci adaptacion den e ley di AZV, el a añadi. Lo brinda sosten n'e "veld", pero no ta "yega duna placa" mas. Analisis y documentonan cu ta splica inversionnan lo ta parti di e proceso pa haya e fondonan, p'asina tin miho control y por comproba pa pueblo cu a maneha e placa na un forma cu ta por hustifica, e mandatario a conclui bisando.





Estando riba honeymoon...

## Piscá venená a causa morto di pareha Hulandes na La Romana, Santo Domingo

**PUNTA CANA** - E pareha Hulandes recién casá cu a muri bou di circunstancia misterioso na la Romana, Republica Dominicana, Jeroen y Michou, a muri como consecuencia di a comé piscá venená.

Dokternan cu a trata di scapa bida di Jeroen (31) y Michou (28) a informá periodistanan di Telegraaf cu casi sigur t'e venenu ciguatoxine a causa nan morto. Esey ta un venenu natural cu ta acumulá den cierto piscánan predador y cu ta den laman Caribe.

E dokternan Dominicano cu a trata e pareha personalmente den clinica Canela na La Romana, a bisa cu e pareha cu tabata biba na Voorburg na Hulanda, no a muri a consecuencia di uso di droga ni suicidio.

E pareha a muri dia 12 di juni ultimo despues di a bishita e isla Saona durante nan biahe di honeymoon.

Henter anochi e pareha a arohá violentamente, pero mainta nan a muri. Nan tabatin apenas 11 dia casá.

E dokternan cu a trata e pareha ta Cesar Leon y Francisco Hernandez, kendenan tin hopi experiencia cu pacièntenan cu a ingeri venenu.

Despues cu e noticia a yega Hulanda, tabatin masha speculacion riba rednan social entre otro, pasobra e famianan no kier a divulgá e rapòrt preliminar di e autopsia.

Categoricamente e dokternan a rechasá cu e pareha lo a mata curpa.

Un persona cu a mira e pareha den clinica na Santo Domingo a tende Jeroen bisa cu casi e no por hala rosea y esey ta despues cu su pareha a muri caba den ambulance.

Dokter Leon a splica cu e reaccion cu e pareha a haña ta tipicamente venenamentu cu ciguatoxine di piscá contaminá.

Si e paciènte haña tratamiento rapidamente, cu ta mas o menos 4 ora, por trata e paciènte cu e remedi Manitol.



Pero ora cu Jeroen y Michou Venema a yega hospital, ya caba e venenu a afectá su pulmon y su curazon y no tabatin scapatorio.

Lo dura 6 siman promé cu dokternan haña e rapòrt patologico definitivo pa afirmá si t'e ciguatoxine a mata nan.

Hasta den su forma leve e venenu ta teribel, pasobra e paciènte ta arohá simannan largo, e ta sinti dolor di musculo y keintura.

Piscá manera grouper y Lionfish tambe sa tin e venenu aki, pasobra nan ta come coral.

Foto di e pareha Jeroen y Michou, kendenan a casa dia 1 di juni ultimo.

**Loket  
Ministerio  
Publico sera  
diahuebs  
te 10'or di  
mainta**

**MINISTERIO** Publico ta informa cu su loket lo ta será mayan diahuebs 30 di juni 2016 te 10'or di mainta. Esey relaciona cu un reunión interno. Un suplica ta bay pa publico pa tene cuenta cu esaki.

E loket lo habri bek después di 10'or. E orario normal di Ministerio Publico ta di diaduna pa diabierna di 8.30 te 11.30'or di mainta y di 13.00 tot 15.30'or di atardi.

## Banco Central di Aruba a publica su Annual Statistical Digest 2015

**BANCO** Central di Aruba a publica su Annual Statistical Digest 2015.

E publicacion aki ta contene datonan economico, financiero y social, incluyendo Aruba su sectornan financiero, real, externo y di Gobierno.

Tuma nota cu BCA a añadi den tabelnan C1 y C2 "Government Financial Operations" informacion adicional den "Memorandum items" y entrante 2012 un reclasificacion di e item "transferencia y subsidio" for di "otro gastonan" di Gobierno.

Esaki pa duna mas informacion rib'e metodologia di e tabelnan. E informacion adicional ta inclui "additional timing and accounting differences" y transaccionnan di Fondo Desaroyo Aruba.

E ASD 2015 ta disponibel desde awe rib'e website di BCA [www.cbaruba.org](http://www.cbaruba.org).







AVA Airways contento cu Omayra Leeftang a cuestioná e asunto

# Na varios ocasion Olivier Arrindell a bisa cu Oscar Derby no ta sirbi como Director Aviacion Corsou

..... Ta pa su motibo cu te cu dia di awe AVA Airways no a haña pèrmit .....

**WILLEMSTAD** – Cu atencion AVA Airways Curaçao a tuma nota di e carta cu miembro di Parlamento sra. Omayra Leeftang a manda pa Minister di VVRP, sra. Camelia Romer, caminda e ta haci pregunta riba e trabounan cu actual Director di Departamentu di Aviacion, esta e Jamaikino Oscar Derby a bon ta haci pa saca Còrsou for di categoria dos.

“Nos ta bisa cu atencion, pa-sobra tur e cosnan cu sra. Omayra Leeftang a trece dilanti den su carta, ya den pasado recien na mas cu un ocasion Olivier Arrindell a pone dede riba e asunto aki, pero ningun hende no kier a kere.

Honorabel miembro di Parlamento sra. Leeftang a mustra cu su persona ta wak facts y informacion cu e tin ta cu contract di Derby ta caba final di jùli.

E pregunta cu ta surgi ta: Kico Còrsou ta haña bek p’e sueldo di 36 mil florin pa luna durante 3 aña largo. Pa colmo cada fecha cu tabata keda duna, tabata cambia y aworaki tin un fecha cu tin duda riba dje.

Sra. Omayra Leeftang ta haña cu durante 3 aña Còrsou a keda mes un caminda den categoria 2 y nada no a sosodé. E loke cu a busca Oscar Derby pe durante tres aña no a logra di haci loke cu e mester a haci.

Ta bin resultá cu na final di su contract ta bin

un proposicion pa duna Wicks Group trabou na rason di 1.3 mion dòlar cu lo mester haci e trabou cu Derby mester a haci durante 3 aña.

AVA Air Curaçao, mediante di Olivier Arrindell for di 2014 a bin ta hala atencion di política y di tur hende aki na Còrsou cu Oscar Derby ta un impostor y cu a duna e hende robes trabou pa saca Còrsou for di categoria

lamento cu su curazon di bèrdad ta bati pa Còrsou, ta tuma e curashi pa manda Minister Camelia Romer un carta, caminda como representante di e pueblo aki e ta haci e mesun preguntanan aki, pero ta bay mas leu cu e asunto aki.

AVA Airways ta convencí cu Oscar Derby ta y tabata un desaster pa Còrsou, caminda el a cobra e suma astronómico di 36 mil florin

pa luna, mas tur gasto adicional di cas, auto y biaha riba cuenta di Gobièrno y durante tres aña no a cumpli cu e loke cu e mester a cumpli cun’e cu ta pa saca Còrsou for di categoria 2.

Pa colmo awor kier bay independisá Departamento di Aviacion, caminda ta bay duna compinchinan e trabou.

AVA Airways ta mustra cu no solamente cu Oscar Derby no ta sirbi pa saca Còrsou for di categoria 2, pero tambe papia cu e trahadornan na Ser’i Mahuma y tur hende lo haña sa ki tipo di persona e ta.

Na Jamaica mes nan a core cun’e y nos aki na Còrsou a bras’é y dun’é tapijt còrá pa cana riba, den un funcion cu e nota sirbi at all pe. AVA Airways lo vigilá e asunto aki cu wowo di falki.



2 pa 1.

Durante dos aña largo Olivier Arrindell a splica Còrsou cu Derby no ta bon pa Còrsou. Ta hustamente pa motibo di Oscar Derby, AVA Airways no a haña su pèrmitnan cu a pidi for di januari 2014.

E delegacion di AVA cu a bay reunion di Parlamento na Còrsou, Olivier Arrindell a splica e asunto aki, pero ningun di e miembronan di comision di infraestructura encabesá pa Humphrey Davelaar no kier a kere.

Awe por tuma nota cu un miembro di Par-



## Servicio pa Comunidad



### Emergencia

Brandweer ..... 911  
 Polis ..... 100  
 Polis Oranjestad ..... 102  
 Polis San Nicolas ..... 104  
 Polis Santa Cruz ..... 105  
 Polis Shaba ..... 107  
 Polis Tipline ..... 11141

Ambulance San Nicolas ..... 584-5050  
 Ambulance Sasaki ..... 582-5573  
 Ambulance Wayaca ..... 582-1234

Hospital ..... 527-4000  
 Centro Medico San Nicolas ..... 524-8833  
 SVB (AO-Ziekmelding) ..... 527-2782

### Botica na Warda

#### Pabou di Brug:

Eagle N.V.

#### Pariba di Brug:

San Lucas N.V.

### Dokter na Warda

#### Pabou di Brug:

Huisartsenpost Hospital

#### Pariba di Brug:

Centro Medico San Nicolas

### Servicionan

ELMAR Storingdienst ..... 523-7147  
 SETAR Storingdienst ..... 117  
 Digicel ..... 145  
 WEB Storingdienst ..... 525-4600  
 Reina Beatrix Int'l Airport ..... 524-2424  
 Serlimar ..... 584-5080  
 Arugas ..... 585-1198  
 Guarda Costa ..... 913

### Funeraria

AD Patres ..... 584-2299  
 Aurora ..... 588-6699  
 The Olive Tree ..... 582-0000

### Fundacion

Rode Kruis Aruba ..... 582-2219  
 FADA ..... 583-2999  
 Fundacion Respeta Mi ..... 582-4433  
 Fundacion Guia Mi ..... 587-1677  
 Muhe den Dificultad ..... 583-5400  
 Telefon pa Hubentud ..... 131  
 Centro Kibrahacha ..... 588-3131  
 Stichting Bloedbank ..... 587-0002  
 Mary Joan Foundation ..... 588-9999  
 Koningin Wilhemina Fonds ... 582-0412

### Cas Editorial



#### The Media Group

Margrietstraat #3

Oranjestad, Aruba

Tel: 583-1400 Fax: 583-1444

#### Orario di Oficina

Dialuna - Diabierna

8am - 5pm

#### Cuenta di Banco

CMB #22982600

### E-mail

Redaccion: noticia@awemainta.com

Aviso: aviso@awemainta.com

Subscribi na: notica@awemainta.com

### Director

Victor "Toko" Winklaar

Victor R. Winklaar

# Chauffeur ta ocasiona accidente cu a resulta fatal p'e ocupante

**WILLEMSTAD** – Diamars 28 di juni 2016, alrededor di 6'or di mainta, Central di Polis a haya un melding di un accidente di trafico cu a tuma luga na Tera Kòrá, na altura di Duzu.

For di investigacion preliminar cu Polis a realiza n'e sitio, a resulta cu chauffeur di un auto di famia color berde cu tabata core rib'e caminda ariba menciona den direccion di Otrobanda, a bay pasa un fila di auto.

Na dado momento e chauffeur a hay'e cu e trafico for di direccion contrario.

Pa evita un choke frontal, e chauffeur a kita na man drechi y a dal contra un otro auto blanco cu tabata core na su man drechi. Consecuentemente e auto blanco a bay dal den un cura di cas pa despues bay bolter. E vehiculo berde cu a ocasiona e accidente a bay dal violentamente contra di un palo di luz.

E chauffeur aki a keda transporta cu ambulance pa policlina di Sehos pa tratamiento medico p'e heridanan cu el a ricibi. Mientras cu e ocupante Cristobalina Al-



cantara Francisco-Sanchez, naci na Santo Domingo, dia 9 di januari 1965, a ricibi varios lesion y a fayece n'e sitio di accidente mes. Dokter di Polis a constata morto di e victima.

Chauffeur di e auto blanco cu no tabatin lesion di gravedad a keda di bay su dokter di cas pa tratamiento medico. Departamento di trafico ta continua cu e investigacion.

# Xpresa bo mes

## Carta habri pa tur stimado di Papiamento

Prensa di Aruba; Arte di palabra Aruba; Fundacion Lanta Papiamento Aruba; Ministerio di Cultura Aruba.

Minister Otmar Oduber; Departamento di Cultura, Director, señor Dumfries

**TA** cu enorme satisfaccion y un euphoria total nos a ricibi e grato noticia cu señora Noris Doran a ricibi e condecoracion mas halto di pueblo di Corsou for di man di Minister di Cultura, señora Irene Dick, Cruz di Merito, pa Noris Doran su trabou den forma particular na interes di pueblo di Corsou traspasando cultura y literatura na Papiamento pa pueblo di Corsou en general en especial pa hoben.

Pa basta tempo Noris ta portador di e cruz aki cu un entrega total. Noris su trabou a crusa frontera yega Aruba y Bonaire pa medio di charla declamacion workshops, investigacion, combersacion y bishita cu ta regarda Papiamento.

Dia 2 di july 2016 proximo, Dia di Corsou, publica-

mente na Brion Plein, Noris lo ricibi e prestigioso condecoracion Cruz di Merito pa su trabou exepcional y su bida dedica na nos idioma Papiamento pa hoben adulto anciano sin distincion di rasa, credo, color ni edad y dedica na conserva documenta haci nos idioma cultura y historia ABC conoci.

Pabien na famia Doran. Pabien na Anaku Kuumba. Pabien na tur esnan cu un dia a pasa den Noris su man. Pabien Aruba Bonaire y Corsou.

Bo amiga cu tabatin e honor y placer di por a compaña bo den algun goso y logro trabou y trafat.

Munye Oduber Winklaar.



Diabierna awo, 1 di juli

# 'A Musical Night' na Cas di Cultura cu diferente atrista di Hulanda y local



**CAS** di Cultura ta anuncia cu diabierna awo, dia 1 di juli, lo tin un evento spectacular, esta "A Musical Night", cu e anochi aki lo tin artistanan di Hulanda manera Vera Mann, Mariska van Kolck y Stanley Burleson, y di Aruba nos mesun Alydia Wever y Edjean Semeleer.

Vera Mann a hunga den "My Fair Lady" na aña 1987 y tabata e prome Hulandes cu a hunga "Evita" cu a wordo producior di Koninklijk Ballet di Vlaanderen. Vera Mann a hunga den diferente obra manera 'Les Miserables', 'West Side Story', 'Diana', 'Sweeney Todd' y 'Mamma Mia!'.

Mariska van Kolck a studia na theaterschoolopleiding di e academia prestigioso Nel Roos. Mariska a gana dos biaha e John Kraaijkamp Musical Award den e categoria di personahe principal femenino den e obra musicalnan di 'Oliver' y '42nd Street'. Den 2008, Mariska a gana e miho

personahe femenino principal di Musical Award pa 'Ciske de Rat - de Musical' y como personahe Roxy den e musical 'Chigaco'.

Stanley Burleson ta hopi conoci den mundo di musica na Hulanda. Stanley a participa den diferente produccion manera 'Cats', 'Miss Saigon', 'Chicago', 'La Cage Aux Folles' y 'Sister Act'. Stanley por canta, baila y actua, tambe Stanley ta choreografo y director pa television y 'podiumproducties'. Stanley ta haci coreografia pa cantante Karin Bloemen hopi biaha. Ganado di John Kraaijkamp Musical Awards pa su rol den 'Elizabeth' y 'Passions'.

Diabierna awo na Aruba den Cas di Cultura, e artistanan aki tur lo t'ey pa duna e pueblo di Aruba un show inolvidabel. Carchinan ta obtenibel na Cas di Cultura, Plaza Book Shop Aruba y DA Drogist Aruba pa mas informacion por yama na tel. 5821010.



Den presencia di Minister Hooyboer-Winklaar y tur mucha cu a bay over

## Juffrouw Gloria a celebra clausura di su atardi di tarea

**DIABIerna** ultimo, 24 di juni, Juffrouw Gloria a celebra clausura di su atardi di tarea, esta su 'Huiswerkbegeleiding Middag' pa muchanan cu mester guia pa traha nan huiswerk.

Comision di Mayor a percura pa un atardi ameno p'e muchanan.

Minister Michelle Hooyboer-Winklaar a duna acto di presencia manera el a priminti y a sorpresa e muchanan cu un regalo, y a hiba palabra pa stimula e muchanan pa sigui y no stop di busca ayudo.

Minister a gradici tambe mayornan presente, gradiciendo nan pa nan confiansa deposita den Juffrouw Gloria. E muchanan cu ta participa n'e atardinan di tarea bao guia di Juffrouw Gloria a bay over danki na su esfuerso continuo na nos muchanan.

Juffrouw Gloria ta spera cu Dios Tata dun'e salud p'e por sigui duna su yudansa n'e muchanan. Y cu Spirito Santo yen'e cu sabiduria. Juffrouw Gloria ta desea cada un tur clase di exito den e aña escolar nobo y cu nan haci nan best pa bay dilanti.

Na mayornan cu a yuda haci e atardi aki uno exitoso ta bay un gradicimento di curason.

Y na su excelencia, Minister di Enseñansa pa su apoyo brinda na Juffrouw Gloria.

Juffrouw Gloria ta spera bishita di Minister mas biaha, principalmente den e aña escolar nobo p'asina stimula e muchanan di sigui. Te otro aña escolar 2016-2017 y disfruta di boso vakantie.





...Artistanan local a briya...

## Renaissance Aruba Resort & Casino a celebra exitoso 'Global Day of Discovery' cu un anochi di arte y cultura

**RECIENTEMENTE** Renaissance Aruba Resort & Casino a celebra nan 'Global Day of Discovery'. Un anochi festivo dedica n'e arte y cultura Arubano.

Renaissance Ocean Suites a converti su mes den un 'art gallery' p'asina talento y artistanan local por a presenta, demonstra y comparti nan creatividad y pasion na tur esnan presente.

Un publico bastante grandi a presenta na Renaissance Ocean Suites pa celebra locual t'e 'Global Day of Discovery', un evento internacional reconoci p'e cadena hotelero di Renaissance y cu ta wordo celebra anualmente na Aruba tambe.

E aña aki, Renaissance Aruba a uni forza cu e team dinamico di 'Korteweg', un grupo di hoben local cu ta traha pa trece e arte y

cultura di Aruba dilanti den un forma unico.

E aña aki a scoge pa pone e artista local central y dedica e anochi aki pa presencia y aprecia nan trabao y creatividad.

Artistanan invita p'e anochi aki tabata; Maria Onni, conoci pa su arte riba palonan di driftwood, Armando Goedgedrag, kende a presenta su talento den pinta

y fotografia, Romelinda 'Kala' Maldonado cu su pasion den obra di man y joyas, Amany Om Mujer Ancestral kende ta conoci pa su obra di man 'dreamcatchers', Hendrick Schouten kende a demonstra su talento den pintura y trahamento di joyas, Naomi Wouters cu su creatividad den popchinan tipico Arubano, Gabriella Gonzales, conoci pa su creatividad den joyas, Ashlin



Ahlip, e hoben creativo tras di Tangerine, tasnan traha na man, Marjan Abath hunto cu Marcha Hoost a entretene tur esnan presente cu nan talento den suplemento di glas, Naomi Landgraf kende a presenta su coleccion di casnan tipico Arubano traha na man, Maria Kong A Sam Designs, creador di joyas y finalmente Cado de Lannoy kende ta un fotografo conoci.

Artistanan invita a presenta nan creatividad y nan amor pa arte. E publico presente por a gosa di cada un di nan y tambe por a intercambia idea.

Por a presencia pintamento di cuadra bibo, trahamento di joyas, suplemento di glas y mucho mas. Un evento sigur cu a pone e artista local central. Tabatin musica bibo di DJ Masbango y DJ Allan Coutinho.

Pa completa e anochi festivo aki, tur esnan presente por a savoria un dushi BBQ presenta p'e team culinario di Renaissance Aruba hunto cu Frank Kelly kende a duna e toke di e sabor autentico Arubano.



# Publico ta inivta pa e segundo edicion di Voznan Musical di Kudawechea

**SCOL** Primario Kudawechea ta bay tene su segundo festival di canto diasabra 2 di juli.

E festival ta pa stimula nos muchanan canta canticanan na Papiamentu. Mayoria ta canticanan di Voz-i-Landia cu a wordo canta entre aña 1982 y 2014. Tin 21 participante representando klas 1 te klas 6.

Esakinan ta como lo siguiente:

Categoria A: 1. Tanisha Jiandani – E pato di omo; 2. Christopher Croes – Tono di paz; 3. Kyle Oduber – Cabrito di mo Tito; 4. Jeanee Christiaans – Stima; 5. Jahnaila Alcantara – Paharito Pedrito; 6. Esther Wilson – Mucha balente; 7. Elijah Wester – Nos; 8. Emmanuel Blanco – Storia di Joe; 9. Gabriel Rodriguez – Soño di un raton; 10. Gabriëlla Perez – Popchi feliz; 11. Sherlyn Dijkhoff – Mi soño.

Categoria B: 12. Anna-Gloria Wester – Claro cu bo por; 13. Renee Mujica – Sin tentamento; 14. Coralie Erasmus – Asina dushi bida; 15. Shekainah Creighton – Dushi bida; 16. Tifanny Mujica – Nos futuro ta den nos man; 17. Damon Illes – Stima bo prohimo; 18. Lyneth Besselink – Deseo di un mucha; 19. Shadee Romero – Muziek ta cuminsa; 20. Ilvienne Franken – Ban lama; 21. Jason Wester – Canta cu mi.

Entrada ta 7,50 florin y ta bende carchi na porta. Bar y cushina lo ta bon surti. Bini uno, bini tur y apoya nos muchanan den e segundo edicion di Voznan Musical di Kudawechea.





# Rapòrt di evaluacion promé agènda enseñansa a keda entregá

**K R A L E N D I J K** - Den e evaluacion a duna hopi Beleidsadviesbureau Ecorys a entregá e rapòrt di evaluacion di e promé agènda di enseñansa Hulanda Caribense. E agènda di enseñansa akí ta data di 2011 y ta forma e liña principal pa mehoracionnan den enseñansa entre 2011 y 2016 riba e islanan di Hulanda Caribense (CN).

Ecorys a ehecutá e evaluacion riba encargo di Ministerio di OCW (Onderwijs, Cultuur en Wetenschap) y tin e obheto, tira un bista atras y duna un bista den efectividad di e promé agènda di enseñansa. Pero tambe pa wak dilanti y haña input p’e di dos agènda di enseñansa.

Den e evaluacion a duna hopi atencion n’e contribucion di e stakeholdernan den Hulanda Caribense.

Nalunadifebriari dieañaakí Ecorys a entrevistá e stakeholdernan. Consecutivamente den e siman ey mes a presentá e resultadonan n’e stakeholdernan den enseñansa. Na april Ecorys a presentá e concepto di e rapòrt di evaluacion riba e islanan.

E conclusion mas importante di Ecorys ta cu den corto tempo a logra resultadonan hopi importante. Esaki ta sali na cla e.o. for di e hecho cu mayoria di e skolnan a alcansá e calidad básico.

E investigadornan ta declará cu esaki ta un gran logro mirando e situacion di salida na 2011. Ecorys ta yega n’e conclusion cu tur esnan conserní a traha duro e último 5 añanan pa realisá e resultadonan akí.

Minister y Secretario di Estado di OCW ya a dicidí cabacue agènda di enseñansa lo bay tin continuacion.

Pa yega na un di dos agènda di enseñansa cargá pa tur partido, OCW ta sigui un asercamento di ‘bottom-up’, cu hopi espacio pa input di parti di e stakeholdernan den enseñansa.


RCN/OCW p’e motibu akí a organisá encuentronan cu e stakeholdernan riba tur 3 isla. For di esaki a sali 6 prioridad p’e periodo benidero: Sigui cu mas mehoracion di e structura di cuidu di enseñansa, enseñansa di idioma mas efectivo, un bon conexion di enseñansa cu estudionan mas avansá y/ òf mercado laboral, s i g u i m e h o r á

calidad di enseñansa y di resultadonan di enseñansa, profesionalismo y continuidad di dirigentenan, management y personal di enseñansa y un maneho financiero salud di e metanan di enseñansa.

Ministerio di OCW n’e momentonan aki ta trahando riba un concepto di texto p’e di dos agènda di enseñansa. Den e lunanan benidero lo tuma lugar algun sesion cu stakeholdernan den enseñansa, pa sigui duna forma na contenido di e agènda di enseñansa. Siguiendo e recomendacionnan di Ecorys e punto di salida di Ministerio ta, cu e di dos agènda di enseñansa ta contené metanan realístico, cu ta corespondé cu e situacion específico riba cada un di e tres islanan. E version definitivo di e di dos agènda di enseñansa lo wòrdo stipulá den otoño benidero durante e di 3 Conferencia di Enseñansa na Sint Eustatius.



(Teksto pa serka portret:) Stakeholdernan den enseñansa na Sint Eustatius kendenan a participá recientemente den un sesion tocante contenido di e di dos agènda di enseñansa den presencia di Diputado Derrick Simmons di Enseñansa (di tres na man robes) y cabez di RCN/OCW Nolly Oleana (promé na man drechi).

<div><div></div><div>BANCO DI CARIBE</div></div>					
OFFICIËLE KOERSEN TEN OPZICHTE VAN DE ARUBAANSE FLORIN					
GELDIG OP 28 Jun, 2016 EN TOT NADER ORDER					
valuta		aankoop van publiek			verkoop aan publiek
		bankpapier	wissels, CHQ's reischeques en overboekingen		
Ned. Antil. Gulden	ANG	98.00	100.00	biljetten chq./overboeking	100.20
Per ANG 100					100.00
Amerikaanse dollar	USD	1.77	1.78		1.80
Canadese dollar	CAD	1.34	1.36		1.38
Zwitserse frank (per 100)	CHF	181.64	182.36		183.16
Pond sterling	GBP	2.32	2.37		2.43
Japanse yen (per 10.000)	JPY	172.34	173.91		175.66
EURO (per 100)	EUR	195.43	197.22		199.20
Deense kroon (per 100)	DKK	25.53	26.25		27.05
Noorse kroon (per 100)	NOK	20.01	20.73		21.53
Zweedse kroon (per 100)	SEK	19.87	20.59		21.39





# Escasez di papel ta causa morto di e corant La Verdad di Maracaibo

Skirbi pa: Clyde Harms



**DIALUNA** 27 di juni, ironicamente net Dia di Prensa Venezolano, e corant La Verdad di Maracaibo a publica un noticia cu nan nunca a spera di tin cu publica: Cuminsando diamars, La Verdad no ta sali mas. Mescos cu e escasez di medicina cu ta causa morto di centenares di Venezolano, e escasez di papel a causa morto di mas di 25 corant y revista. La Verdad ta e ultimo cu a perde e bataya pa su existencia.

Notabel ta cu tur cu a sucumbi p’e escasez di papel ta corantnan cu tabata critico di e Gobierno comunista dictatorial. Tin otro corant manera El Globo di Caracas, y e corant mas bieu di e pais El Impulso, cu a sobrevivir pasobra nan doño a bende nan cu hendenan Chavista y esakinan si ta haya e dollarnan pa cumpra papel. Naturalmente e liña editorial di e corantnan aki a bolter 180 grado y tur nan periodistanan cu no tabata di acuerdo cu e Gobierno mester a busca otro trabou of haci manera miles y miles di otro Venezolano: bay busca nan futuro na un otro pais.

Pa mi, e fin di La Verdad ta evoca hopi tristeza pasobra esaki ta e corantnan cu ami ta lesa di Maracaibo, y mi amigo reumatologo Dr. Ernesto Garcia-MacGregor, tabata uza e corant aki como su plataforma pa su columna di tur siman: “Verdades dolorosas...que oiga quien tiene oidos.”

Nos na Aruba mester gradici Dios cu aki no tin represion di prensa manera na nos pais bisiña y otro paisnan manera Cuba, Bolivia, Nicaragua, Ecuador, pa nombra algun. Pero nos prensa mester corda tambe cu nan libertad di publica ta bin cu un obligacion di mantene nan mes na etica di prensa. Tin hopi obligacion na cual prensa mester tene nan mes, manera no plagia, pero mas importante y prome cu tur otro ta skirbi berdad.



Fundashon Apstené Te Matrimonio, Kaya David 10,  
tel: 528-5090 / 524-3462 E-mail: skohe\_ATM@hotmail.com

Cu e tema Anti-DASA

## Fundacion ATM ta celebrá 10 año

**WILLEMSTAD**-Eaño aki Fundacion ATM (Abstene te Matrimonio) ta celebrando su di dos lustro y ta invitá pueblo di Còrsou completo pa bin celebrá hunto cu nan diadomingo 3 di jüli den Exhibition Hall di WTC di 7 or’ pa 9.15 di anochi.

Un biaha mas ATM ta presentá un evento varia, único i educativo. E tema di e año aki ta Anti-DASA cu ta para pa Anti Droga, Alcohol, Sèx Parotin y Agresividad.

Lo bay tin presentacion di Aemy ‘Niafeliz’, Excel Arts Academy, Kevin Illidge for di USA, Ellery Meyer for di St Maarten, drama, rap, testimonionan impactante y hopi mas.

### KICO TA ANTI-DASA?

Anti DASA ta para pa Anti Droga, Alcohol, Sèx Parotin y Agresividad. Hopi biaha e 4 característicanan negativo aki ta bay hunto serca e hóben.

Desafortunadamente e drèmpel pa cu nan ta bahando bou di nos hóbenan. Humamento di cheiba, uso di droga, bebementu di alcohol, sèx casual y agrecion ta birando algo nòrmal. Pero Fundacion ATM no ta aceptá esakinan como algo normal.

Al contrario, nan ta característicanan cu ta stroba e hòben pa desayorá bira un ciudadano exitoso y productivo den nos comunidad.

Fundashon ATM ta sende un lus riba e problemática aki y ta ofrecé alternativanan sano pa nos hóbenan. E vision di ATM ta pa desaroyá un generacion nobo di hóben cu ta envolví den actividadnan positivo manera deporte, hòbby sano, música, trabou boluntario; hóben cu sa di comunicá cu otro na nivel y cu ta stima Dios y Su palabra.

### HISTORIA DI FUNDACION ATM (ABSTENÉ TE MATRIMONIO)

Na augustùs 2006, ATM a organisá su promé evento pa algun skol básico, den cua alrededor di 800 hóben di entre 11 pa 19 año a participá.

Dia 25 di augustùs 2006 anochi tabatin e promé Youthrally cu un repeticion dia 15 di sèptèmber 2006.

Hopi hóben a scoge pa “Save Sex” enbes di “Safe Sex”. Debí n’e cantidad halto cu a asistí na e eventonan aki, nos a realisá cu tin un interes grandi bou di hubentud y nan mayornan.

Asina a dicidi di lanta Fundacion ATM. Den e último 10 añanan, Fundacion ATM a organisá tur año un Youthrally cu tópiconan variá.

Tur año di nobo, nos tabatin sala yen y un publico satisfecho na final.

Fundacion ATM a trece tópiconan alcaso y cu hopi biaha tabata tabú òf no ta haña e atencion necesario.

Entre otro: Loverboy/Sugardad, Aborto, HIV/Aids, Sexting y mas. Fundacion ATM a trece tambe charlanan educativo y informativo na scol, institúto, iglesianan y tur caminda nos a haña un invitacion.

Miles di hóben y nan mayornan a ricibí informacion tocante sèx y sexualidad den un forma cla y habrí, pero respetuoso y eficaz.

Pa celebrá nos di dos lustro, Fundacion ATM ta presentá Anti-DASA.

### INVITACION PERSONAL

Fundacion ATM kier invitá tanto hóbenan como mayornan pa bin scucha mas tocante Anti-DASA, ya asina comunidad consciente por ta bon consciente di e mal influencianan cu awendia a para bira nòrmal.

Pa mas informacion por yama 528-5090 òf chèck Facebook page Fundashon ATM.





# Lotto ta celebra dos aniversario grandi di Norma van den Berg y Lica Tromp



DEN luna di juni 2, empleado di Lotto a celebra aniversario grandi.

Norma van den Berg-Cornes a celebra su di 25 aniversario cu Lotto y Lica Tromp a celebra 20 aña den servicio.

Directiva, staf y personal ta felicita ambos colega cu e añanan di servicio y alabes ta desea Norma y Lica hopi aña mas placentero trahando na oficina di Lotto.

Director Ronald van den Berg, hunto cu Patrick Fortin Sales & Marketing Manager, a haci entrega di aprecio na Norma y Lica.

## A.B.-V. extraditá pa Alemania

**WILLEMSTAD** - Còrsou a extraditá diamars ultimo, e hòmer A.B.-V. (7 janüari 1984, República Dominicana) na autoridad hudicial di Alemania. Diamars dia 28 di jüni 2016 e entrega di e hòmer a tuma lugar na Aeropuerto Hato dor di funcionarionan di Division Krímen Organisá (DGC) na Polis di provincia Nordrein-Westfalen di Alemania. Bou di guia di Polis Aleman el a bandoná nos pais abordo di un buelo di AirBerlin.

Corte Comun di Husticia a consehá dia 31 di maart 2016 positivo riba e peticion pa extradicion di Alemania. Gobernador di Còrsou na su turno a dicidí dia 2 di jüni 2016 cu e peticion ta admisibel. E hòmer ta ser sospechá na República Federal di Alemania di enbolbimento na por lo ménos 2 transporte di cocaina dia 16 di jüli 2014.

E dia ey Polis na Aeropuerto di Düsseldorf a detené dos mula cu 1.139 gram y 137 gram di cocaina. Nan a identificá A.B.-V. como esun responsabel. E peticion pa extradicion a keda entregá na Corsou dia 16 di febrüari 2016 dor di Ministerio di Husticia di provincia Nordrein-Westfalen na Düsseldorf. Ya caba dia 11 di jüni 2015 tabatin un órden pa aresto di e hòmer emití dor di 'Kantonrechter' di Düsseldorf.







# Clausura di año academico di e programa Organization Governance and Management

**DESPUES** di a inverti hopi tempo y dedicacion, e studiantenan cu no tin e asina yama ‘herkansing’ por disfruta di nan vacaciones.

E año academico 2015-2016 di Universidad di Aruba a clausura oficialmente dia 17 di juni p’e studiantenan di Organization Governance and Management (OGM). Anualmente e estudio OGM ta celebra e clausura di año academico cu un evento pa evalua e año y aprecia tur esfuerzo cu studiantenan a desplega.

E año aki e evento a tuma lugar n’e Acomodacion Multifuncional di Noord (MFA Noord). E slogan di e dia tabata ‘refleha riba pasado pa prepara pa futuro’. E meta tabata p’e studiantenan refleha riba nan desaroyo p’asina nan por pone metanan nobo pa sigui crece y desaroya den e areanan personal, academico y profesional.

Ademas, studiantenan den e di dos año a presenta nan proyectonan p’e modulo

Community Project. E presentacionnan tabata hopi interesante.

E studiantenan a demostra claramente cu nan por a combina teoria cu practica y den e mes un rosea nan por a contribui na proyectonan den nos comunidad.

Den e cuadro aki, studiantenan a colabora cu e siguiente fundacionnan:

Fundacion Padu, Fundacion Museo Arubano, Switch Foundation y ATHA (Asociacion Trabou pa Hubentud na Aruba).

Tambe un grupo ta trahando un investigacion preliminar p’e proyecto Alimento di Minister di Asuntonan Social.

E team di Organization Governance and Management kier a felicita tur studiantenan di UA y di Aruba cu a pasa tur nan modulonan,



a bay over y esnan cu a gradua na scolnan secundario.

Tambe kier felicita especialmente studiantenan di OGM mes cu ta preparando pa gradua den luna di juli.

Por ultimo kier a haci uzo di e oportunidad pa gradici e empleadonan di MFA p’e bon trato y hospitalidad cu nan a brinda e estudiante y docentenan di OGM.



# Plataforma Promocion di Salud ta siña muchanan di YMCA e tecnica corecto pa laba man

E MUCHANAN di Y's Care tabata sa hopi caba. Nan por a splica e distincion entre ki ora ta crucial pa laba man cu awa y habon y ki ora ta of por uza handsanitizer, segun Eromil Bakmeyer di IMSAN ta splica.

E enfermero specialisa den dialisis ta traha na IMSAN y tabata di bishita na YMCA San Nicolas pa siña e muchanan di Y's Care kico ta e tecnicanan corecto pa laba man.

E presentacion ta forma parti di un serie di accion di parti di Plataforma Promocion di Salud, den cual tin representacion di Departamento di Salud Publico, IMSAN, WGK, IBISA, Hospital, SVB, AZV y un dokter di cas, pa cu conscientisacion di e grupo di nos comunidad di 4 pa 12 aña encuanto di higiena di nos mannan.

Bakmeyer a bisa cu e muchanan tabata bon na altura di diferente detaye hopi importante y el a repasa cu nan tur e pasonan con ta laba man y kico tur e

higiena pa cu nan mannan ta encera. Labamento di man ta reconoci mundialmente como e accion mas importante pa cu prevencion di traspaso di malesa, incluyendo e malesanan cu ta wordo causa pa virus y bacteria.

E mannan ta transporta bacteria mas facil como cu nan ta bin den contacto cu hopi diferente obheto of artefacto durante di e dia.

Bakmeyer a splica: "Laba man ta importante, pero tambe ta importante pa haci'e na e forma corecto. Si no laba man na a forma adecua, e ora e no ta eficaz", el a agrega.

Bakmeyer a comenta cu e muchanan tabata hopi bon informa, nan tabata sa e tecnica pa laba man y por a contesta hopi di e preguntanan importante for di prome cu el a comparti e informacion cu nan. Awo tin cu sigui mantene e bon custumber y continuamente laba man frecuente y corectamente.





Fundacion Pa Nos Comunidad



1y2  
JULI

**Radiothon**



**GRAN EVENTO**

RECAUDANDO FONDO PA EDIFICIO

8 RADIO STATION DIFERENTE ACTIVIDAD  
LIVE PERFORMANCE SHOW

**24 ORA DI TRANSMISION**

Parkinglot

**Palm Beach Plaza**



 **AWEMainta**





# Antraco orguyoso di habri portanan di Copy Plus den edificio nobo



**GERENCIA** di Antraco Aruba Group ta sumamente orguyoso di por a habri su portanan bistiendo un bachi nobo cu su servicio nan innovativo di marca Canon.

T'asina cu diabierna 24 di juni Antraco a tene un brindis chikito na unda Copy Plus a caba di muda na su edificio net panort di e oficinanan di Antraco, dirigi pa su Managing Director, sr. Robert W. Croes.

## Servicionan Innovativo

Tur esnan presente por a admira locual Copy Plus tin di ofrece na su fiel clientenan, e. o. Printing/ Copying, Large Format Printing, Photo Printing, Book Copying, Badges & Membership Cards,

Rubber stamps, T-shirt Printing & Heat Press, Finishing, scanning, 3D Printing, design services y hopi mas.

Pa expande e servicionan Copy Plus tambe tin di ofrece e parti di Furnitures cu un amplitud di muebles pa negoshi, oficina y hogar.

Nos comunidad por sigui conta cu e seccion di stationary, treciendo un variacion di articulonnan p'e temporada di Back To School y tambe Electronics, Cartridges, Gadgets y mas.

Por conta tambe cu durante diferente temporada di aña Copy Plus lo sigui mantene campaña nan sumamente atractivo cu diferente premio.

## AFM Aruba

AFM online Radio Station na Antraco, ta wordo basta scucha dor di nos hobennan y adultonan den nos comunidad. E unico Radio Station cu ta enfoca den educacion riba nos isla y ta sirbi nos comunidad dor di organisa eventonan y recauda fondo pa esnan cu ta den necesidad.

Por 'like' nan pagina di Facebook y bishita nan website pa keda 'up to date' riba nan programa y eventonan.

## Lider #1 den Caribe

No por lubida cu Antraco su Technical Department ta number #1 den nos region y recientemente a gana un Award of Excellence in

Service. Recientemente, durante e luna di juni 2016 nan a haya bishita di e representante di Canon, sra. Tatiana Smith di Panama cual a bin specialmente pa duna training den e ultimo tecnologia di machinnan di Canon n'e Support team di Antraco.

## Futuro Plaza na Antraco

Alabes Antraco a introduci un poco di e plan cu gerencia tin pa ofrece pa locual ta trata e futuro parti dilanti na Boulevard. Keda pendiente pa sa mas over di e plan aki.

Masha Pabien na Copy Plus y su management team cu su bachi nobo, deseando lo mihor pa su vision nobo!



Encuanto preservacion di  
materialna cu balor historico

# Rapport di "Beeld en Geluid" a wordo entrega na Ministerio di Enseñansa

**DIALUNA** mainta, a tuma lugha entrega di e  
rapport di e institucion conoci di Hulanda, esta  
"Beeld en Geluid", cu tabata na Aruba luna pasa  
pa duna Biblioteca Nacional conseho encuanto di  
e preservacion di materialnan cu balor historico cu  
ta forma parti di e coleccion di Arubiana.

Manera ta conoci, e departamento Arubiana y  
Mediadienst di Biblioteca Nacional tin coleccionnan  
grandi riba topiconan interesante manera Lago,  
documentonan di Hartog, filmnan di tempo di  
STICUSA y mucho mas.

Hopi di e documentonan ta na peliger pa bay  
perdi y den e proceso pa busca e miho forma pa  
salvaguardia nan a busca yudansa di "Beeld en  
Geluid".

Representantenan di e organisacion aki a bin Aruba  
pa duna conseho con pa remedia e situacion y con  
pa preserva e materialnan.

Durante di nan estadia, a organisa un tayer na  
Arubiana, pa cual a invita tambe TeleAruba,  
Archivo Nacional y Directie Cultuur. Hopi hecho  
interesante a bin dilanti.

E siguiente paso ta pa organisa asuntonan  
internamente, y crea un comision di trabao.

Dialuna mainta representante di Minister Michelle  
Hooyboer-Winklaar, esta Alice van Romondt a  
ricibi e rapport traha pa "Beeld en Geluid" den  
forma digital, como tambe "hard copy".

Di parti di Ministerio, a repasa e documento y a  
bin n'e conclusion cu Aruba ta riba bon caminda,  
y tin espacio y oportunidadnan pa realisa hopi na  
bienestar di herencia cultural di Aruba.







## Kiwanis Young Professionals lo transforma Plaza Daniel Leo cu Buleria y 'N Fuzion den Summer Glow

UN biaha mas Kiwanis Young Professionals Aruba (KYPA) ta presenta nan Summer Glow Fundraising Event. E aña aki tur hende ta bisti

tambe Buleria. Tur aña KYPA ta organisa su fundraising event, p'asina yega na fondonan pa por sigui contribui na nos comunidad,

di oro, mirando ta celebracion di 5 aña di KYPA. Summer Glow a bin ta crece aña pa aña, y e biaha aki lo no ta diferente.

Diabierna 8 di juli, KYPA lo transforma Plaza Daniel Leo y asina celebra comienso oficial di summer. Tur cos lo cuminsa pa 8'or di anochi y lo bay te den ora nan di marduga.

Ambiente y entretenimiento lo ta den man di DJ Vibes, Beatz Entertainment, 'n Fuzion y

instancia, famia y en especial muchanan cu tin mas mester den nos comunidad. Young Professionals y tambe tur e 'Young at hearts' ta cordialmente invita pa asisti na Summer Glow Touch of Gold Edition.

Ticketnan ta obtenibel cerca tur miembro di Kiwanis Young Professionals Aruba y tambe na Gelatissimo Bistro. Por tuma contacto cu KYPA via Facebook tambe pa tickets.

Eventonan asina sigur no ta posibel sin nos sponsornan. Un danki special ta bay na Elite, Gianni's Group, Tropical Bottling Company, Eco Destination Management Services, Albo, Ecotech, Click Print, Power FM y Whooz Next Security Services.





# Bubali division Menor y Mayor a sera temporada cu actividad na beach

**DIADOMINGO** ultimo e divisionnan Menor y Mayor di Bubali Sport Club, a tene un actividad na lama, pa clausura temporada di futbol 2015-2016 caminda e hungadornan a pasa algun ora den un ambiente amabel y festivo.

Den combersacion cu entrenador Dolfito Jacobs, el a mostra cu e hobennan durante di henter temporada a duna nan maximo durante di training y sin duda esey merece un celebracion.

E ekiponan a conoce progreso grandi y apesar cu nan ta conta c'un bon elenco di hungadornan, e resultadonan por tabata mihor, pero sin duda tin progreso grandi. E dia di actividad a conta cu presencia tambe di Antonio Lopez, kende ta asistente di Dolfito y Ruben Escalona kende tambe lo bay forma parti di e cuerpo tecnico pa proximo temporada, mientras cu sra. Swinda Tromp a duna su cooperacion manera semper pa su club.

Un danki special ta bay na TEC den persona di Francis Angela, na Fung Shung y tambe directiva di SC Bubali p'e sosten duna n'e muchanan.

Ambos ekipo lo cuminsa cu nan preparacion dia 2 di augustus benidero y na mes momento ta bay un peticion n'e hobennan cu lo kier forma parti di e ekipo di Junior, esta hobennan cu a nace na '95, '96 y '97, pa nan bin forma parti di e ekipo di Bubali pa proximo temporada y tambe duna acto di presencia dia 2 di augustus.





Diabierna awo

# Reunion di Capitan tocante Torneo di Pesca na 7west

**DIABIERNA** awo 1 di juli, tur piscado y doño di boto ta invita p'e Reunion di Capitan (Captain's meeting) pa e torneo di pesca di Dia di Piscado cu ta tuma lugar dia 3 di juli. Na e encuentro aki lo por inscribi y alabes lo repasa e reglanan den un ambiente sumamente yen di goso di piscado pa cual Hadicurari ta conoci p'e. E torneo ta conta e biaha aki atrobe cu mas di 5000 florin na premio.

E biaha aki e torneo lo ta na Pier di Waf'i Rancho na Playa un biaha mas.

Salida ta for di cualkier puerto di Aruba, contal cu registra esaki p'asina e controladornan ta na altura.

Esaki sigur lo yuda piscadonan di otro areanan spaar gasolin y encurasha nan pa participa. E unico condicion ta cu nan mester ta registra di antemano.

Tambe tur team cu inscribi prome of durante di e Reunion di Capitan lo ricibi un pakete pa piscado, cortesía di Hadicurari.

Inscripcion lo ta unicamente 25 florin pa persona y cu un minimo di 2 participante te na e maximo of 5 participante pa boto. Lo tin un solo categoria, Open All Tackle y lo tin varios premio pa mayor ehemplar.

P'esey percursa pa diabierna awo prome di juli pa 7'or en punto ora porta habri, capitan y tripulacion yega na 7west y reunion ta cuminsa 7:30 en punto, sigui despues di e parti oficial p'e acostumbrado hospitalidad di Hadicurari.







# SV Britannia Damas a entrega un cuadra na Manrique Capriles

**DIABIERNA** ultimo, SV Britannia Damas un bay haci un bishita na Manrique Capriles cerca sra. Cristine Hintz pa gradici Manrique Capriles cu nan productu Splenda pa nan apoyo n’e team di SV Britannia ‘Splenda’ pa Campeonato

den campeonato oficial di AVB. E aña aki SV Britannia a titula campeon back-to-back despues di a sali victorioso den e ultimo wega contra di RCA cu score di 4-0.

2015/16. Na e ocasion aki a entrega Manrique Capriles un bunita cuadra cu e team Campeon di Damas riba dj’e. Dirigentenan di SV Britannia a duna un relato cortico di historia di SV Britannia Damas

Hungadornan cu a forma parti di SV Britannia 2015/16 ta: Mylene Croes, Rigini Robert, Luara Alvares, Jorraine Maduro, Angele Winklaar, Yelitza Ras, Mihcella Werleman, Liesth Welzen, Josanne Maduro, Aaliyah Simon, Lysanne v/d Voort, Keren Cardona, Ruthline Croes, Marianne Gomez, Rucheline Zievinger, Solaia Henriquez, Melisa Acosta, Amanda Acosta, Lotte Stock, Celine Tromp, Jennifer Henao, Madny Alders y Isabel Thode. Dirigentenan tabata Roberto Geerman como headcoach, Robert Verwoerd, Jeanpierre Fingal, Tineke Jansen, Sharin Gomes, Andre Kolman, Daniel Geerman y Mary Geerman. Un danki ta bay na AVB, comision di referee, FFD y tur instancia cu a coopera cu futbol femenino den 2015/16.







Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa tranquil,  
Pa mi bolbe haña forsa".  
Salmo: 23

A fayece inesperadamente:



**Amelinda Dijkhoff**  
Cariñosamente yama: "Melinda"  
\*27-07-1933 †28-06-2016

Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Dios ta amor... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por stens di loke Señor ta hasi"  
Salmo 33



**Petronilia Britten**  
Mihor conici como "Ninita"  
\*31-05-1928 - †27-06-2016

Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

#### Gradicimento

Casa, yiunan, mama, rumannan y demas famia Croes y Rodriguez kier a gradici tur esnan cu di un of otro manera a demostra nan atencion durante fayecimento y entierro di nos difunto stima :



**Michel Oswaldo Croes**

Gradicimento ta bay especial na tur esnan cu a manda mensahe y yamadanan, na tur famia, bisña, amistad y conocirnan cu a duna nos nan sosten y forsa den e momentonan difícil.  
Boso atencion tabata y ta di gran consuelo pa nos.



Cumana #44 Tel: 586-4444 / 733-2906  
E: royalfuneralhome@hotmail.com / 593-0857 / 731-5847

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa tranquil,  
Pa mi bolbe haña forsa".  
Salmo: 23

A bay descansa den brasa di Señor:



**Anna Beatrice Wever**  
\*07-08-1936 †24-06-2016

Na number di su:

Esposo: Rudolfo (Dufi) Wever  
Yiunan: Anthony y Maria Teresa Wever  
Gary Wever

†David Wever  
†Stephen Wever

Nieto: Bryan Wever y Laura Sanchez

Nietanan: Michelle Wever y Peter Lizza

Giandra Wever

Stephany Wever

Christina Wever

Bisanieto: Aiden Wever

Rumannan: Harry Wever y famia

Helen Wever y Jos

†Louis y Celsa Wever y famia

†James y Annie Wever y famia

†Jenny y Kees de Groot-Wever y famia

†John y †Aida Wever y famia

†Egbert y Cira Wever y famia

†Mina Brandt-Wever y famia

†Lena Wever

†Maggy y †Jose Abraham-Wever y famia

Sobrinu y sobrinanan

Swa y cuñanan:

Donald (Nel) y Eda Wever

Mario y Mireya Wever

Jean Wever y Ti Everon

†Maria y Albert Albertsz y famia

†Julietta y Joy Everon-Wever y famia

Su amiga stima: Chibi de Cuba

Amistadnan di cas: Rosa Tromp y famia, Ninousca Nuñez y famia

Su ayudante: Miosotis

Demas famia: Everon, Lacle, Harms, Briezen, Arends, Tromp

Ta invita pa e acto di entierro cu lo tuma lugar diahuebs 30 di juni 2016 na Royal Funeral Home di 2'or pa 4'or di atardi, despues lo sali pa Santana catolico Pastoor Kraanwinkel na Paradera.

Adres pa condolencia: Royal Funeral Home, diaranson 29 di juni di 7'or pa 9'or di anochi.

Despues di entierro no ta ricibi bishita di condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Señor ta mi Wardador,  
Mi n' tin falta di nada;  
Den kunuku di yerba berde  
E ta pone mi sosega.  
E ta hiba mi na awa tranquil,  
Pa mi bolbe haña forsa.

Cu inmenso tristesa pero conforme cu  
Dios su boluntad, ta participa fayecemento di:



**Cornelis Reinier Maduro**

mihor conoci como Reintje  
\*22-01-1957  
+28-06-2016

Na number di su Esposa: Vivian Maduro Crespo

Yiunan: Reinier L.J. Maduro & Bobby Spier

Luraine Maduro & Richard Bosman

Reineline Maduro & Maikito Profet

Anejelik Maduro & Juanito Gonzalez

Ragnall Bermudez & Melitza Rustveld

Diane Rivers

Mama: Anna van der Blik

Tata: +Venancio Maduro

Rumanan: Jolanda & Fransic i famia

Junior & Melva i famia

Ingrid & famia

Nelson & Soraída i famia

Lourdes & Rudy i famia

+Maiky Maduro

Nieto/a: Makeda Profet

Robin Bosman

Ravi Bosman

Sanna Bosman

Suegra: Caridad Perez

Swa: Ricardo Crespo & famia

Tur su Tanta i Omonan, Sobrinu i Sobrinanan, Primo i Primanen, Ijhanan i demas famianan stima.

Su Coleganan di Ritz Carlton i ex Coleganan di Occidental, Radisson i Concorde Casino. Tambe tur su Bisñanan, Amigonan i amiganan y demas conosirnan.

Acto di entierro lo tuma lugar, Diabierna, 1 July 2016 pa 2or pa 4orPM di atardi na Aurora Funeral Home

Condolencia lo tuma lugar, Diahuebs, 30 Juni 2016 for di 7or pa 9or PM na Aurora Funeral Home



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Lo e kubri bo ku sa alanan, bou' l nan bo ta sigur,  
Su fieldat lo ta pa bo un escudo, un harnas  
Bo n'tin mester di tene miedo di peligro di anochi,  
Ni di ningun flecha ku por bula den dia  
Salmo 91:4-5



**Sra. Vda. Olga Gregoria Krosendijk geh. Croes**

Mihor conoci como "Pepe", "Oma", "Ga", "Oli"  
\*11-03-1945 - †27-06-2016

Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa tranquil,  
Pa mi bolbe haña forsa".  
Salmo: 23

Cu inmenso dolor na nos curason pero conforme cu boluntad  
di Dios nos ta participa fayecimento di



**Maria Asuncion Tromp Dijkhoff**

Mihor conoci como "Onsi"  
\*15-08-1930 - †27-06-2016

Acto di entierro lo wordo anuncia despues





Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

The Lord is my shepherd, I shall not want.  
He maketh me to lie down in green pastures;  
He leadeth me beside the still waters,  
He restoreth my soul.  
Psalm 23

With deep sadness we announce the passing away of our beloved mother, grandmother, great grandmother, aunt



### Mordis Aldica Gibbs

Sunrise: 09-05-1922  
Sunset: 27-06-2016

Husband: †William Frederik Hodge

Left to mourn her:

Children: †Winston Mars

Masy Abdoel Kariem and family  
†Edgar Mars  
Felicia Hodge and family  
Mercedes Hodge and family  
Raphael Hodge and family  
Don Hodge and Lia and family  
Joan Hodge and family  
Carlos and Barbs Hodge and family  
Ogenio and Jessica Hodge and family  
Janet Hodge and Eithel and family  
Nilo Hodge and family  
Roy Hodge and Milangela and family  
Joyce Hodge and Ruthsel and family

Grandchildren, great grandchildren, great great grandchildren

Nieces and nephews, cousins

Sisters and family in St. Eustatius, Dominican Republic, Holland, Curacao and Aruba

Caretaker: Vivian Cadet

Sheryl Le Grant  
Lientje Lampe

Barber: Ronald Critchlow (Row)

Close friends: Lulu and Bernard Smith, Fam Carty, Ester, Ann Arrindell, Gisela Martillia

Family and Like family: Gibbs, Hodge, Mars, Simmons, van Putten, Baarh, Richardson, Martina, Tromp, Werleman, Young, Marsdin, Lioe-A-Tjam, Berkel, Gumbs, Mardenborough, Kock, Mitchell, Heemstad, Arrindell, Euson, Lucas, Charles, Letren

Our oppologies if we have omitted any family members and friends in our time of grief.

We invite all friends, neighbors and other acquaintances to attend the funeral which will take place on Friday July 1st, 2016 from 9 to 11 a.m. The body will be laid out from 9:00 a.m. at the Methodist church in San Nicolaas. Service starts at 11 a.m. and will depart from there to the central cemetery in Sabana Basora.

After funeral there will be no condolences at home.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Señor ta mi wardador, pues mi no tin falta di nada. Den cucucu di yerba berde E ta pone mi sosega. E ta hiba mi na awa tranquil, pa mi bolbe haya forza".  
Cu inmenso dolor y tristeza na nos curazon nos ta participa fayecimiento inespera di nos tanta, cuña y prima stima;



### Rosa Maria Croes

Mihor conoci como Rosa di Juchi of Tantan  
\*02-02 - 1934 - + 23 - 06-2016

Na number di su:

Cuñanan: Vda. Ina Croes

Vda. Dora Croes

Vda. Nora Croes

Vda. Sita Croes

Vda. Lucia Flanegin

Swa: Vdo. Cornes Croes

Mescos cu yiu: Mariela, Shemmy y Alisha Vlinder

Bettina Croes

Tamara Fingal

Marc Martijn

Subrino y subrinanan cu el a stima hopi:

Yvonne y Edwin Tromp

Henky y Mayra Croes y famia

Sony Croes y Ivy Kelkboom y yiunan

Aureen y Roly Werleman y famia

Wimpy y Marlene Croes y yiu

Miriam y Giovanni Alders y famia

Buchito y Bianca Croes y famia

Ivan Croes

Johnny Croes

Richard Croes

Marcia Croes y yiu

Tur esnan cu el a stima manera ruman:

- Su amiganan: Lucia y Zubaidah, Gregory y Jenny

- Tur su primo(a)nan, acto primo(a)nan

- Comer y compernan,

- Ihanan,

- Su sobre sobrino(a)nan y nan yiunan

- Tur su bon bisiñanan y conocirnan

- Demas famianan Croes, Vlinder, Tromp, Everon, De Mey, Vrolijk, Dijkhoff, Lacle, Kelkboom, Werleman, Wester, Alders, Martijn, Ponson, Heronimo, Geerman, Fingal, Gonzalez, Lampe, Maduro, Briesen, Trimon, Wolf, Zievinger, Richardson, Justina, Irausquin, Genser y Ras

Acto di entierro lo tuma lugar Diahuebs dia 30 di Juni 2016. For di 11.30 di mainta te cu 3.30 di atardi e restonan mortal di nos Rosa stima lo ta reposa na cas Sero Pita 47. Pa 3.30 di atardi lo sali pa Misa Santa Filomena na Paradera na unda lo tin un respons sigui pa Santana na Paradera.

Adres pa condolencia: Sero Pita 47

Lo cuminsa reza na cas Diabierna dia 1 di Juli y lo resa 8 dia. Dia 8 di Juli lo tin un Santo Sacrificio di misa di ocho dia na Misa Santa Filomena na Paradera sigi pa e ultimo Rosario na cas Sero Pita 47.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Pero esnan cu confia den Señor lo haya forza renoba cada bez; nan lo bula bay ariba cu hala manera Aguila. Nan ta cana sin cansa, nan ta cana sin perde rosea"  
Isaías 40:31

Su Fe den nos Señor tawata su fortaleza,  
Humildad tawata su shimis,  
Hogar di su famia tawata den su curason.  
Man robes no tawata sa kico e drechi a haci,  
Y su pasonan tawata semper riba e caminda cu yama Berdad.  
Esey e tawata: Machi di semper.

Cu inmenso dolor na nos curason pero conforme cu boluntad di Dios nos kier participa fayecimento di



### Catalina Ras Maduro

Vda. di Casimiro Ras

Mihor conoci como "Chichi di Cachin of Machi"  
\*13-02-1933 - †24-06-2016

Na number di

su Jiunan: Benita

Lucia

Arsenio (Archi) y esposa Maria Ras-Wernet

†Mariano

Pedro

Silvio y esposa Gina Ras-De Kort

Roberto y esposa Omayra Ras-Florencio

Valentino

Rumannan: Nicolina (Jieng)

Egidia (Gidia)

Fabia

Seferino y Ampy

†Gilberto (Beto)

†Silvia (Chia)

†Hilda

Nieto(a)nan: Mariano (Nano), Zeraida, Migna, Daniel, Debra, David, Orayma, Roberto (Rochi), Orianna, Clifton, Alina, Junior. Bisanieta(a)nan: Zayden, Zaion, Gabriël, Shaneila, Xikayly, Isabella.

Sobrino y sobrinanan, prima y primonan

Manera nieta: Mireilla Tromp y jiunan

Amigonan di cas: Chita, Olinda, Libia, Altagracia, Ireño y Vera, Cristina y Mando, Juliska, Nena Dirks y jiunan, Maria Werleman, Chichi di Bas, Mani Geerman, Arelys Peña, Damisela Escalante & Ronald Geluk y jiunan, Sita.

Grupo di orashon "Hesus ta e caminda y bida", Grupo di Oracion di Francis, Aura, Tida, Baby y Mani, Grupo Walishali, Ihanan.

Demas famia: Ras, Maduro, Rasmijn, Danje, De Kort, Florencio, Peña, Werleman, Wernet, Jackson, Kelly, Goeloe, Vrolijk, Kastaneer, Croes

Ta invita pa asisti na e acto di entierro cu lo tuma lugar diasabra 2 juli 2016 for di 9'or pa 11'or di mainta na misa Inmaculada Concepcion na Sta.Cruz, despues lo sali pa Santana Sta.Maria na Sta.Cruz

Adres pa condolencia: Aurora Funeral Home, diabierna 1 juli 2016 for di 7'or pa 9'or di anochi.

En bes di flor y krans ta aprecia un donacion pa Edmund Harms Foundation, lo bai tin un box disponible pa e meta aki.

Nos ta pidi nos disculpa si den nos tristeza nos por a lubida di menciona un of otro famia.



Website:  
[www.awemainta.com](http://www.awemainta.com)



Facebook:  
[www.facebook.com/awemainta](http://www.facebook.com/awemainta)



E-mail:  
[noticia@awemainta.com](mailto:noticia@awemainta.com)



Tel:  
583-1400



Fax:  
583-1444

AWE  
Mainta  
#1 online





Champ of the Champs HEINEKEN a ranca  
sali cu un yeno total

# Balashi Premuim ta derota Macuarima mientras Crush Power ta gana Mariners

**CHAMP** of the Champs, celebrando su di 10 aña, a inicia dialuna cu un yeno total aya na veld di SV Dragon Hitters na Barcadera. E aña aki, Champ of the Champs ta wordo dedica na dos baluarte, tanto Boy Lacle y Coby Krosendijk. Den un parke carga cu fanaticada riba un dialuna anochi por a disfruta di e prome dos wega.

Rodimar Geerman di Crush Power, kende a splica den e programa televisa cu mester tene bon cuenta cu Crush Power e aña aki berdad a sali fuerte cu un pitcher apenas di 22 aña como refuerso desde Venezuela y ta logra un Victoria importante di 7-5 rib'e ekipo di Mariners cu tambe tin 2 pithcer di refuerso.

Crush Power a logra 7 careda, 7 hit, y 0 error, mientras Mariners a logra 5 careda, 5 hit, y 4 error. Yoangel Romero ta gana e partido, mientras Adelberto Ruiz ta bay cas cu e derota.

Miho bateadornan pa Crush Power tabata Dauglas Gil y Randy Cordero di 3-2, Albertico Noguero 1-1. Pa Mariners a destaca na bate Gerwin Thiel 3-2, incluyendo un cuadrangular, Renny Hernandez 1-1 y Carlito Muncion 2-1.

Den di dos wega di anochi, Balashi Premuim ta gana Macuarima Indians 3-0 den un tremendo wega cu tabata 1-0 te den di 5 inning. Alex Mabo ta gana e partido y Jorge Nuñez ta perde ricibiendo relevo di Jesus Velasco den di 5 inning.

Miho bateadornan pa Balashi tabata Filbert Thiel, Juan David Arango y Josmar Thiel tur di 3-2. Pa Macuarima Indians a luci na plato Joshua Leanez 3-2, y Richard Simon 1-1.

Torneo internacional Champ of the Champs ta continua tur dia e siman aki y lo termina diadomingo den gran forma. Hopi ambiente na veld. Yega uno, yega tur. Champ of the Champs a la carga.



# Brazil Taekwondo a organisa un Interview Training pa su atletanan

**DIASABRA** ultimo Brazil Taekwondo Stichting a organisa un interview training pa su atletanan. Esaki ta prome biaha cu Brazil Taekwondo a focus riba e parti aki pa su atletanan p'asina prepara nan pa futuro ora di wordo entrevista pa un of otro medio di comunicasion.

Alberto Klabér ta premira tur e erornan cu ta wordo presenta durante di un entrevista y a prepara e dia di diasabra pa cuminsa cu e prome interview training. Aaron Jacobs, kende t'e vocero nobo di Brazil Taekwondo Stichting a haci un tremendo trabou cu tur e atletanan. Alberto Klabér mes a keda babuca pa mira con Aaron Jacobs a coy e microfoon y a cuminsa cu e les di e interview training p'e atletanan.

Mirando cu esaki t'e prome biaha tabatin masha hopi fout mes cu a keda ripiti dor di e atletanan. Tur atleta cu a para dilanti di e microfoon a wordo corigi pa nan foutnan. Nos tur sa cu esaki sigur lo bay ripiti mas biaha p'asina nos atletanan di Train Hard Fight Smart ta bon prepara y por wordo entrevista sin niun problema den futuro.





# Camp di gymnasia di CGA Avanse pa mucha desde 4 aña

Training ta dia 5 pa 9 di juli



DEN e ultimo siman di scol, CGA Avanse ta tene un camp di gymnasia (turnen) di dia 5 pa 9 di juli p'asina brinda e oportunidad na tur mucha pa cera conoci cu e deporte di gymnasia. Tur mucha ta welcome! No mester ta miembro pa por participa.

## Kiko ta gymnasia?

Gymnasia ta un deporte olympico unda cu e gymnasta ta haci un secuencia di movecion cu su curpa.

E gymnasta ta practica esaki cu hopi precision y concentracion.

E propiocepcion, e capacidad di coordinacion den relacion cu e balans, ta uno hopi importante den e deporte.

Ademas, e curpa ta move cu mayor elasticidad compara cu otro deporte.

Esaki ta faborece e flexibilidad y coordinacion. E bentahanan aki di e deporte di gymnasia ta pa tur edad, sin importa e momento cu a cuminsa practica.

E capacidadnan cu un mucha ta desaroya den e deporte di gymnasia cual ta flexibilidad, agilidad y forsa, ta comun cu hopi otro deporte.

Pues gymnasia ta un actividad di formacion y ta e base pa tur otro tipo di deporte despues.

Durante e camp training di CGA Avanse lo siña e muchanan e tecnica basico di gymnasia combina cu diberticion.

Pa nombra algun ehersicio: koprol, handstand, sprong, trampolin.

E schedule di e camp ta lo siguiente: dia 5, 6 y 8 di juli di 3:00 pm te cu 7:00 pm. Diasabra dia 9 di juli di 9:00 am te cu 2:00 pm.

Durante e camp, lo siña tur participante un tiki di tur e elementonan di e deporte y e techniek. CGA Avanse ta invita tur mucha muher y mucha homber cu ta interesa pa participa. Por inscribi dor di manda un email na: [cgaavanse@hotmail.com](mailto:cgaavanse@hotmail.com).

CGA Avanse ta e prome club di turnen di Aruba estableci na 1984.

Na 2014, a celebra su di 30 aniversario. E club tin 187 miembro y 4 entrenador. Ta duna les di gymnasia artistica pa mucha moher desde 4 aña.

E disciplina di gymnasia rytmica tambe ta wordo duna pa mucha muher desde 4 aña. Por haya mas informacion di e club rib'e pagina di Facebook 'Gymnastics Aruba CGA Avanse' y rib'e pagina web: [www.cgaavanse.webs.com](http://www.cgaavanse.webs.com).





# AWEMainta

#1 Online

## Completamente DIGITAL

### Ricibi AWEMainta tur dia den bo inbox

Manda bo E-mail na [noticia@awemainta.com](mailto:noticia@awemainta.com)

### Haya tur e edicion di AWEMainta riba nos website

[www.awemainta.com](http://www.awemainta.com)

### Like nos riba Facebook

[www.facebook.com/awemainta](http://www.facebook.com/awemainta)